


DS
735
A2Y86
1771
V. 30



御批歷代通鑑輯覽卷之五十九

唐

德宗皇帝

甲戌貞元十年春正月。雲南擊吐蕃。大破之。遣使來獻捷。

韋臯遣其節度巡官崔佐時。齎詔詣雲南。佐時至。吐蕃

使者數百人。先在其國。異牟尋令佐時衣牂牁注見前服

而入。佐時曰。我大唐使者。豈得衣小夷之服。異牟尋不

得已。乃夜迎之。佐時大宣詔書。異牟尋恐懼失色。獻欬

受詔。佐時因勸異牟尋悉斬吐蕃使者。去其所立之號。

復南詔舊名。異牟尋皆從之。與佐時盟于點蒼山。在今大理

府太和縣西。滇載記。山高千餘仞。有神祠。在山中。先是。峯十九蒼翠如玉。蒙氏封爲中岳。

吐蕃徵兵于雲南。異牟尋許發五千人與之。至是遣五千人前行。異牟尋自將數萬人踵其後。襲擊吐蕃。大破之。取十六城。虜其五王。降其衆十餘萬。遣使獻捷。已而異牟尋復遣其弟獻地圖土貢。及吐蕃所給金印。請復號南詔。詔以袁滋字德深。蔡州朗山人。爲冊使。立異牟尋爲南詔王。詔賜銀窠金印。異牟尋北面跪受。因與使者宴。出元宗所賜器物。指老笛工歌女曰。皇帝所賜龜茲樂。唯二人在耳。袁滋曰。南詔當深思祖考子子孫孫。盡忠于唐。異牟尋曰。敢不敬承使者之命。夏六月。昭義節度使李抱真卒。

李抱真卒。抱真惑方士之言。餌丹二萬餘丸。不食而死。其子緘祕不發喪。詐

爲抱真表。求以職事授已。都虞候王延貴。字君佐。汝州梁人。素

以義勇聞。上知抱真已卒。遣中使第五守進往觀變。且

延齡面肆欺妄對德宗直
詆開元天寶豈尚有人臣
之禮糞土多金已爲荒誕
而匹段雜貨更安能久瘞
不腐可供支用此不可以
愚三尺之童者而德宗尚
欲資以聞外事聞蔽其矣

以軍事委延貴守進至謂緘曰朝廷已知相公捐館令
王延貴權知軍事侍御宜發喪行服緘愕然出謂諸將
曰朝廷不許緘掌事諸君意何如衆莫對緘乃發喪守
進召延貴宣口詔令視事趣緘赴東都尋以延貴爲節
度使賜名虔休

冬十二月陸贄罷爲太子賓客

裴延齡恣爲詭譎處之不疑

上欲修神龍寺延齡奏同
州一谷有木數千株皆可

八十丸上曰開元天寶間求美材于近畿猶不可得今
安得有之對曰天生珍材固待聖君乃出開元天寶何
從得之又奏簡閱左藏于糞土中得銀十三萬兩雜貨
百萬有餘請入雜庫以供別支太府少卿韋少華抗表
稱此皆每月申奏之上亦頗知延齡誕妄但以其好詆
物請加推驗不許

毀人冀聞外事故親厚之羣臣畏其有寵莫敢言陸贄

獨以身當之上書極陳延齡姦詐數其罪惡其畧曰延齡以聚斂

爲長策以詭妄爲嘉謀以培克歛怨爲匪躬以靖譖服

讒爲盡節可謂堯代之共工魯邦之少卯跡其姦蠹日

長月滋移東就西便爲課績取此適彼遂號羨餘昔趙

高指鹿爲馬臣謂鹿之與馬物理猶同豈若延齡掩有

爲無指無爲有臣以卑鄙任當台衡書奏上不悅待延

情激于衷雖欲罷而不能自默也

齡益厚趙憬之入相也贊實引之既而有憾于贊事見前

密以贊所譏彈延齡事告之延齡益得以爲計上由是

信延齡而不直贊贊與憬約至上前極論延齡姦邪上

怒形于色憬默而無言遂罷贊爲太子賓客贊爲相嘗

六失以爲措置乖方課責虧度財匱于兵衆奏論備邊

多怨生于不均機失于遙制夫關東戍卒不習土風身

苦邊荒心畏戎虜或利王師之敗乘擾攘而東潰或拔

棄城鎮搖遠近之心豈惟無益實亦有損可謂措置乖

方矣自頃權移于下柄失于朝將之號令既鮮克行之

於軍國之典常又不能施之于將罪以隱忍而不彰功

以嫌疑而不賞使忘身效節者獲誚于等夷率衆先登者取怨于士卒。饋軍威國者不懷于愧畏。緩救失期者自以爲智能可謂謀貞虧度矣。虜每入寇將帥虛張威勢。惟務徵發益師。無神備禦之功。重增供億之弊。有司所入半以事邊聞。井日耗徵求日繁。可謂財匱于兵衆矣。夫兵以氣勢爲用者也。氣聚則盛。散則消。勢合則威。析則弱。自頃分割朔方。列爲三使。其餘鎮軍數且四十。旣無軍法下臨。惟以客禮相待。可謂力分于將多矣。理戎之要在子練。嚴優劣之科。以爲衣食等級之制。使能者企及。否者息心。今窮邊長鎮之兵。皆百戰傷夷之餘。終年勤苦。而常有凍餒之色。關東戍卒。怯于應敵。而衣糧所領。厚踰數等。又有素非禁旅。遙隸神策。其于廩賜之饒。遂有三倍之益。可謂怨生于不均矣。自頃邊軍去就。裁斷多出宸衷。戎虜馳突。迅如風颭。驛書上聞。旬月方報。守土者以兵寡不敢抗敵。分鎮者以無詔不肯出師。賊旣縱掠退歸。此乃陳功告捷。將帥幸于總制。不肯出不憂罪累。陛下又以爲大權由已。不究事情。可謂機失于遙制矣。臣謂宜罷諸道防秋。令本道但供衣糧。募戍卒願留。及蕃漢子弟多開屯田。官爲收糴。寇至則人自爲戰。時至則家自力農。又擇文武能臣。爲隴右朔方河東之元帥。緣邊諸鎮。有非要者。隨便併之。然後減姦濫虛浮之費。以豐財。定衣糧等級之制。以和衆。弘委任之

租庸調變爲兩稅在唐時
沿習歲久其勢亦難驟更
贊欲改賦錢而復徵穀絹
是徒泥故冊陳言而不知
時勢所便且有不得不易
錢而爲銀者夫民生利病
特在司牧者調劑而善馭

道以宣其用。懸賞罰之典以考其成。如是則戎狄威懷
疆場寧謐矣。上雖不能盡用心甚重之。上性猜忌。官
無大小。必自選用。一經譴責。終身不收。好以辯給取人。
不得敦實之士。贊又諫曰。登進以懋庸。黜退以懲過。二
者迭用。理如循環。故能使黜退者克勵以求復。登進者
警飭以恪居。上無滯疑。下無蓄怨。又曰。明王不以辭盡
人。不以意選士。如或好善而不擇所用。悅言而不驗所
行。進退隨愛憎之情。離合繫異同之趣。是猶捨繩墨而
意裁曲直。棄權衡而手揣重輕。雖甚精微。不能無謬。又
曰。中人以上。送有所長。苟區別得宜。付授當器。及乎合
以成功。亦與全才無異。但在明鑒大度。御之有道而已。
以一言稱。慳爲能。而不核虛實。以一事違忤爲咎。而不
考忠邪。稱慳則付任逾涯。不思其所不及。違忤則罪責
過當。不恕其所不能。則職司之內。無成功。君臣之際。無
定分矣。上不聽。贊又奏請均節財賦。凡六條。其一論
兩稅之弊。畧曰。舊制租庸調法。天下均一。雖欲轉徙。莫
容其姦。故人無搖心。而事有定制。兵興以來。版圖隳壞。
執事者知弊之宜革。而遂失其原。知簡之可從。而不得
其要。遽更舊法。以爲兩稅。但取大歷中一年科率最多
者。以爲定數。夫財之所生。必因人力。故先王之制賦人。
必以丁大爲本。不以務穡增其稅。不以輟稼減其租。則
播種多。不以殖產厚其徭。不以流寓免其調。則地著固。

之可耳若銀錢穀絹不過
異名同實耳理之不得其
人皆是病民亂政贊前後
奏議多達國體此則不免
迂腐爲並存而別白之實
不害其賢也

不以飭勵重其役不以贏怠蠲其庸則功力勤兩稅之
立惟以資產爲宗不以丁身爲本由是務輕資而樂轉
徙者恒脫于徭稅敦本業而樹居產者每困于徵求此
乃誘之爲姦驅之避役創制之首不務齊平供應有煩
簡之殊牧守有能否之異所在徭賦輕重相懸所遣使
臣意見各異計奏一定有加無除又大歷中供軍進奉
之類既收入兩稅今于兩稅之外復又並存望稍行均
減以救彫殘其二請兩稅以布帛爲額畧曰穀帛者庸
之所爲錢貨者官之所爲也是以兩朝著令租出穀庸
出絹調出繒纈布帛有禁人鑄錢而以錢爲賦者哉今
之兩稅獨以錢穀定稅所徵非所業所業非所徵遂或
增價以買其所無減價以賣其所有一增一減耗損已
多望勘會諸州初納兩稅年絹布定估比類當今時價
加賤減貴酌取其中總計合稅之錢折爲布帛之數其
三論長吏以增戶加稅闢田爲課績畧曰長人者罕能
推忠恕之情體至公之意以傾奪隣境爲智能以招萃
逋逃爲理化捨彼適此者旣爲新收而有復條往忽來
者又以復業而見優惟安居不遷者則使之日重敏之
日加請詳定考績若管內阜殷稅額有餘任其據戶口
均減以減數多少爲考課等差其十分減三者爲上課
減二者次焉減一者又次焉如或人多流亡加稅見戶
比較殿罰法亦如之其四論稅限迫促畧曰蠶事方興

已輸縑稅。農功未艾。遽斂穀租。上司之繩責既嚴。下吏之威暴愈促。有者急賣而耗其半直。無者求假而費其倍酬。望更詳定徵稅期限。其五請以稅茶錢置義倉。以備水旱。其六論兼并之家。私斂重于公稅。請為占田條限。裁減租價。事皆不行。贊以上知待之厚。事有不可常力爭之。或規其太銳。贊曰。吾上不負天子。下不負所學。他無所恤。

乙亥

十一年夏四月。貶陸贄為忠州

唐置。今別駕。

裴延齡譖李充。張滂。李銛。黨于陸贄。

充為京兆尹。滂為鹽鐵使。銛為司農卿。

以職事相關。時證延齡之妄。故惡之。

會旱。延齡奏言。贄等失勢怨望。言

天旱民流。度支多欠諸軍芻糧。動搖衆心。其意非止欲

中傷臣而已。後數日。上獵苑中。適有軍士訴度支不給

馬芻。上意延齡言為信。遽還宮。貶贄為忠州別駕。充滂

銛皆為諸州長史。初。陽城白鹿臺。為諸侯大夫拜官

不辭。人皆想望風采。曰：城必諫諍死職下。及至，諸諫官紛紛言事細碎，天子益厭之。而城方與客日夜痛飲，人莫能窺其際，皆以為虛得名耳。前進士韓愈字退之，河陽人作爭臣論以譏之。城亦不以屑意。及陸贄等坐貶，上怒未解。中外惴恐，以為罪且不測，無敢救者。城即帥拾遺王仲舒字宏中，并州祁人、補闕熊執易、崔邠字處仁，武城人等守延英門上疏論延齡姦佞。贄等無罪，上大怒，欲罪之。太子為營救，乃解。令宰相諭遣之。金吾將軍張萬福聞諫官伏閣，趣往大言賀曰：「朝廷有直臣，天下必太平矣。」遂徧拜城等萬福武人，年八十餘，自此名重天下。時朝夕相延齡。城曰：脫以延齡為相，當取白麻壞之。慟哭于廷。李繁者，泌之子也。城盡數延齡過惡，欲密論之。使繁繕寫，繁徑以告延

監軍以留後遷除爲市恩
之端留後即以監軍鑄印
爲報德之具朝廷惟其所
勞恬不爲怪監軍有印從
此遂爲例事貞元政治若
此無怪乎強藩內閣之交
結橫行矣

齡延齡先詣上一一自解疏入上以爲妄不之省尋改
城爲國子司業。

五月以李說字巖甫淮安王神通五世孫爲河東留後。

河東節度使李自良卒監軍王定遠奏請以行軍司馬

李說爲留後說深德定遠爲請鑄監軍印從之監軍有

印自此始定遠自以有功于李說遂專軍政殺大將彭

召諸將謂曰有勅以李景畧爲留後諸軍皆遷官

大將馬良輔覺之麾衆不受定遠走踰城墜死。

秋八月司徒侍中北平王馬燧卒諡曰莊武。

冬十月橫海軍亂逐其節度使程懷直。

橫海節度使程懷直不恤士卒出獵數日不歸懷直從

父兄懷信閉門拒之懷直奔京師以懷信爲留後。

丙子十二年春正月。以渾瑊主武俊兼中書令。嚴震。田緒。劉濟。韋臯並同平章事。諸節鎮悉加檢校官。

欲以悅其意也。

三月。以李齊運

蔣王暉之孫。

爲禮部尙書。

齊運無才能學術。專以柔佞得幸。每宰相對罷。則齊運進決其議。或病臥家。上欲有所除授。遣中使就問之。

夏四月。魏博節度使田緒卒。

緒尙嘉誠公主。有庶子三人。季安最幼。公主子之。緒卒。左右推季安爲留後。

六月。以竇文場。霍僊鳴爲護軍中尉。

初。上置六統軍。視六尙書。以處罷鎮者。相承用麻紙寫。

制至是。文場諷宰相。比統軍降麻。翰林學士鄭綱。字文明。鄭

州榮陽人。奏故事。惟封王命相。用白麻。今不識陛下特以寵

文場邪。遂爲著令也。上乃謂文場曰。武德貞觀時。中人

不過員外將軍。衣緋者無幾。輔國以來。始隳制度。朕今

用爾。不謂無私。若復降麻。天下必謂爾脇我爲之矣。文

場叩頭謝。遂焚之。謂綱曰。宰相不能違拒中人。朕得卿

言方寤耳。是時竇霍勢傾中外。藩帥多出神策軍。臺省

清要。亦有出其門者矣。

以嚴綬。挺之族孫。爲刑部員外郎。

初。上以奉天窘乏。故還宮。以來專意聚斂。藩鎮多以進

奉市恩。皆云稅外方圓。

胡三省注。折則成方。轉則成圓。言于常稅之外。別自轉折。以致

貨財亦云川度羨餘其實或增斂百姓或減刻吏祿或

販鬻蔬果往往自入所進纔什一二李兼在江西有月

進韋臯在西川有日進其後常州刺史裴肅濟源人以進

奉遷浙東觀察使刺史進奉自肅始宣歙判官嚴綬掌

留務竭府庫以進奉徵為刑部員外郎幕僚進奉自綬

始授節度使進奉上記其名尋遷河東行軍司馬不踰年即

授節度使湖南觀察使呂渭奏發永州刺史陽履贓

賄三司鞠之對曰所斂物已市馬進之矣詰馬主為誰

馬齒幾何對曰馬主東西南北之人今不知所之按禮

齒路馬有誅故不知其齒上悅其進奉

之言免官而已呂渭字君載河中人

秋七月宣武軍亂以董晉為節度使

宣武節度使李萬榮病不知事霍僊鳴薦押牙劉沐為

行軍司馬時萬榮子遷為兵馬使上遣中使第五守進

董晉為宣武節度使。萬榮卒。惟恭遂權軍事。不遣人迎。晉受詔。即與僚從十餘人赴鎮。不用兵衛。惟恭以晉來速。不及謀。乃帥諸將出迎。晉命惟恭勿下馬。氣色甚和。既入。仍委以軍政。惟恭尋謀作亂。晉誅其黨。械惟恭送京師。時朝議以董晉柔仁。恐不能集事。乃以汝州刺史陸長源為行軍司馬。以佐之。長源性剛刻。多更張舊事。晉初皆許之。案成則命且罷。

八月乙未朔。日食。由是軍中得安。陸長源字泳吳人。

九月。以李景畧為豐州都防禦使。

初上不欲生代節度使常自擇行軍司馬以爲儲帥李
景畧爲河東行軍司馬李說忌之回鶻梅錄入貢過太
原說與之宴梅錄爭坐次說不能過景畧叱之梅錄識
其聲趨而拜之曰非豐州李端公唐人稱侍御史爲端公邪遂就
下坐坐中皆屬目于景畧說益不平乃厚賂竇文場使
去之會有傳回鶻將入寇者上以豐州當虜衝擇可守
者文場因薦景畧豐州窮邊氣寒土瘠民貧景畧以勤
儉帥衆二歲之後儲備完實雄于北邊

裴延齡死

中外相賀上獨悼惜之

諫議大夫崔損常爲延齡所薦上卽以爲同平章事崔損字

至無元暉之從孫

冬十一月以韋渠牟

述從孫

為諫議大夫

上自陸贄貶官尤不任宰相自縣以上皆自選用中書

行文書而已然深居宮中所取信者裴延齡李齊運司

農卿李實

道王元慶四世孫

翰林學士韋執誼

京兆人

及渠牟皆

權傾宰相趨附盈門實狡險倍克執誼以文章與上唱

和年二十餘入翰林渠牟形神忼躁尤為上所親狎

故事

上生日用沙門道士講論于麟德殿既而以儒士參之渠牟嘲談辯給上悅之由四門博士旬日間遷補闕至

是遂為諫議大夫上每對執政漏不過三刻渠牟奏事率至六

刻語笑欵狎往往聞外所薦引咸不次遷擢率皆庸鄙

之士

丁丑十三年春二月築方渠合道木波

九域志環州方渠縣有木波馬嶺石昌合

道四鎮。環州。今慶陽府環縣是。方渠廢縣及四鎮故址俱在今環縣。三城。

上以方渠合道木波皆吐蕃要路欲城之使問邠寧節度使楊朝晟須幾何兵對曰邠寧兵足以城之上曰曷城鹽州用兵七萬今三城尤逼虜境如此何也對曰今發本鎮兵不旬日至出其不意而城之虜謂吾衆不減七萬不敢輕來不過三旬吾城已畢虜雖至城旁草盡不能久留虜退則運芻糧以實之此萬全之策也若大集諸道兵踰月始至虜亦集衆而來與我爭戰勝負未可知何暇築城哉上從之朝晟分軍爲三各築一城踰月三城成朝晟軍還至馬嶺吐蕃始出追之相拒數日而去朝晟遂城馬嶺而還開地三百里皆如其素謂皆如其

素所慮之期也。

以姚南仲

華州下邽人。

為義成節度使。

初李復為義成節度使辟盧坦

字保衡洛陽人。

為判官監軍薛

盈珍數侵軍政坦據理拒之盈珍曰盧侍御所言公我

固不違也及是復卒詔以陝虢觀察使姚南仲代之盈

珍曰姚大夫書生豈將才也坦私謂人曰姚大夫外柔

中剛監軍侵之必不受軍府之禍自此始矣遂潛去既

而盈珍與南仲有隙

盈珍欲奪南仲軍政南仲不從故有隙。

幕府多以罪

貶有死者後上徵盈珍還

盈珍遣小吏乘驛訴秦南仲罪牙將曹文洽追殺之自作

表雪南仲之冤且首專殺之罪遂自

殺驛吏以聞上異之遂召還盈珍南仲亦入朝待罪。

上召見問曰盈珍擾卿邪對曰盈珍不擾臣但壞陛下

法耳。且天下如盈珍輩。何可勝數。雖使羊杜復生。亦不能行愷悌之政。成攻取之功也。上默然。竟不罪盈珍。仍使掌機密。

秋七月。起復張茂宗。

茂昭之弟。

爲左衛軍。尙公主。

茂宗許尙義章公主。

帝之女。

未成昏。母卒。遺表請終嘉禮。

上許之。拾遺蔣艾。

字德源。常州義興人。

上疏曰。古有墨衰以從金

革之事者。未聞駙馬起復尙主也。上曰。人間多借吉成昏者。卿何執此之堅。對曰。婚姻喪紀。人之大倫。吉凶不可瀆也。委巷之家。不知禮數。其女孤貧無恃。或有借吉從人。未聞男子借吉娶婦者也。上不悅。命趣下嫁之期。遂成昏。

冬十二月以宦者爲宮市使。

德宗處置農夫毆宦者一
事尙爲近理乃旣知宮市
病民不急禁止轉惑于小
人邪說謂游民仰以取給
何憤憤乃爾

先是宮中市外間物令官吏主之隨給其直比歲以宦
者爲使謂之宮市置白望數百人抑買人物以紅紫染
故衣敗繒尺寸裂而給之仍索進奉門戶及腳價錢名
爲宮市其實奪之嘗有農夫以驢負柴宦者稱宮市取
之又就索門戶農夫曰我有父母妻子待此然後食今
以柴與汝不取直而歸汝尚不肯我有死而已遂毆宦
者街吏擒以聞詔黜宦者賜農夫絹十匹然宮市亦不
爲之改諫官御史數諫不聽徐州節度使張建封入朝
具奏之上頗嘉納以問判度支蘇弁弁希宦者意對曰
京師游手萬家無土著生業仰宮市取給上信之故凡

言宮市者皆不聽。

戊寅十四年秋八月。初置神策統軍。

時禁軍戍邊者。稟賜優厚。諸將多請遙隸神策。其軍遂

至十五萬人。

九月。以于頔

字允元。謹七世孫。

為山南東道節度使。

頔由陝虢觀察使。為山南東道節度使。請陞襄州為大

都督府。從之。

上晚年益務姑息。頔所奏建。無不開允。頔嘗誣劾吉州刺史元洪。賊罪。上為之流端

州。頔復表洪責太重。上因收洪吉州長史。頔又怒判官薛正倫奏貶之。比詔下。頔怒已解。復奏署舊職。初。襄州

有髹器。天下以為法。及頔驕蹇。凡方帥不法者。號襄樣節度。吉州。唐置。今江西吉安府。是端州。隋置。今廣東

肇慶府是。

吳少誠叛。

少誠遣兵侵掠壽州殺鎮遏使已而復寇唐州掠臨潁

陳許留後上官浼時曲環卒浼以遣將救之敗沒少誠

遂圍許州朝廷以浼為節度使浼欲棄城走營田副使

劉昌裔字光後太諫止之少誠晝夜急攻昌裔鑿城出

擊大破之城由是全兵馬使安國寧謀翻城應賊昌裔

兵要巷見持鎌者悉斬之無得脫者

貶陽城為道州注見刺史

太學生薛約師事司業陽城坐言事徙連州隸廣東

送之郊外上以城黨罪人貶道州刺史城治民如治家

使數加誚讓城自署其考口撫字心勞徵科政拙考下

下觀察使遣判官賢其賦賊自繫獄判官大驚馳謁之

徵科撫字原應並行不悖使遇災傷為民請命宜也設值歲稔亦必盡去其賦以為利民依古無此治體史家所載失之未詳至城自署其考自繫於獄則不免市名矯激亦太過矣甚而往案判官且載妻子逃逸官箴又可問邪

巳卯十五年春宣武節度使董晉卒軍亂殺留後陸長源

長源性刻急恃才傲物軍中惡之晉卒長源知留後揚

言曰將士弛慢日久當以法齊之耳衆皆懼或勸之發

財以勞軍長源曰我豈效河北賊以錢買健兒求節鉞

邪軍中怨怒作亂殺長源監軍俱文珍以宋州刺史劉

逸準正臣之子久爲宣武大將得衆心召之逸準引兵徑入

汴州衆乃定遂以爲節度使錫名曰全諒

以李錡國貞之子爲浙西觀察使諸道鹽鐵轉運使

李齊運受李錡賂數十萬薦之于上故用之錡刻剝以

事進奉上由是悅之錡又以饋遺結權貴恃此驕縱無所忌憚布衣崔善貞詰闕上封事

言宮市進奉及鹽鐵之弊因言錡不法事上械送錡錡

生瘞之遠近聞之不寒而慄錡復欲爲自全計增廣兵

衆選有力善射者。謂之挽彊。胡奚雜類。謂之蕃落。給賜十倍他卒。判官盧坦屢諫不悛。與幕僚李守約等皆去之。李守約勉之子。

以韓弘

滑州匡城人。

爲宣武節度使。

劉全諒卒。軍中思劉元佐之恩。推其甥兵馬使韓弘爲留後。詔以爲節度使。弘將兵。識其才鄙勇怯。指顧必堪其事。先是。吳少誠遣使與全諒約。共攻陳許。使者數輩猶在館。弘悉驅出斬之。選卒三千擊許下。少誠由是失勢。宣武軍自元佐卒。凡五作亂。弘召倡者及其黨三百人。數而斬之。自是至弘入朝。二十一年。士卒無一人敢譁呼于城郭者。

詔削奪吳少誠官爵。令諸道兵討之。

諸軍討吳少誠者。旣無統帥。進退不一。自潰于小潁水。

澱亦作瀝水經注汝水別派請之瀝水東逕征羌城北合小瀝水南流注于大瀝水考征羌故城在今許州鄆城縣縣南有沙河下流至陳州府商水縣入于潁卽古瀝水也棄器械資糧皆爲少誠所有于是始議置招討使

冬十二月。中書令咸寧王渾瑊卒。諡曰忠武。

瑊性謙謹。雖位窮將相。無自矜大之色。每貢物。必躬自

閱視。受賜如在上前。上還自興元。雖一州一鎮有兵者。

皆務姑息。瑊每奏事。不過胡三省注唐制凡奏事得可者皆過中書門下。不過者寢

其奏不下也。輒私喜曰。上不疑我。故能以功名終。

唐十六年春二月。以韓全義興卒伍史失其先世爲蔡州招討使。夏

五月。全義與淮西兵戰于澱南。澱水之南也。大潰。

全義本出神策軍。中尉竇文場愛之。薦于上。使統諸軍。

討吳少誠十七道兵皆受節度全義素無勇畧既爲大帥每議軍事監軍數十人爭論紛然不決而罷士卒久屯沮洳之地天暑病疫全義不存撫人有離心與淮西戰鋒鏑未交諸軍大潰退保五樓地名在今陳州府商水縣西南已而少誠襲擊全義全義大敗走保陳州。

徐泗濠節度使張建封卒。

建封鎮彭城十餘年軍府稱治病篤累表請代詔以韋

夏卿

字雲客京兆萬年人

爲行軍司馬勅下建封已卒軍士爲變

劫建封子愔令知軍府事殺留後及大將數人械繫監軍上聞之以李鄘爲宣尉使鄘至召將士宣朝旨諭以禍福脫監軍械使復其位比鄘還愔表求旌節朝廷不

許加淮南節度使杜佑兼徐泗濠節度使討之前鋒
濟淮而敗佑不敢進朝廷不得已除愔團練使綬名其
軍曰武寧以愔為節度使初建封之疾病也濠州刺史
杜兼陰圖代之疾驅至府幕
僚李藩曰僕射疾危如此公宜在州防遏來欲何為不
速去當奏之兼錯愕徑歸及是兼誣奏藩搖動軍情上
大怒密詔杜佑殺之佑素重藩出詔示之藩神色不變
佑曰吾已密論用百口保君矣上猶疑之召藩詣長安
望見其儀度安雅乃曰此豈為惡者耶即除秘書郎
杜兼字處弘止倫五世孫李藩字叔翰趙州人
秋九月以李元素字太樸密
之裔孫為義成貞元元年更號滑毫
許節度為義成軍
節度使

義成節度使盧羣

字載初范陽人

卒賈耽曰凡就軍中除節度

使必有愛憎向背喜懼者相半故眾心不安自今願陛

下只自朝廷除人庶無他變上以為然故有是命

冬十月赦吳少誠復其官爵。

吳少誠引兵還蔡州。先是韋臯聞諸軍討少誠無功。請以渾瑊賈耽爲元帥統諸軍。若重煩元老則臣請以精銳萬人下巴峽以翦凶逆。不然因其請罪而赦之。罷兩河諸軍。以休息公私亦策之次也。若少誠一旦爲麾下所殺。又當以其官爵授之。則是除一少誠生一少誠。爲患無窮矣。賈耽言于上曰。賊意亦望恩貸。恐須開其生路。上然之。會少誠致書監軍求昭沆。監軍奏之。詔赦少誠。復其官爵。韓全義至長安。竇文場爲掩其敗迹。上禮遇甚厚。全義稱足疾。遣司馬崔放入對。放爲全義謝無功。上曰。全義能招來少誠。其功大矣。何必殺人然後爲功耶。

辛巳十七年夏五月壬戌朔日食。

潞之敗全義罪無可解。少誠假監軍詭奏復受朝命。並不由于招徠一任。闡賢從中播弄。掩敗爲功德。宗信不疑。且曲爲表白。

淮西禍逆實由此釀之

以高固。本渾瑊僮奴城以爲朔方節度使。齊有高固因名之。

朔方節度使楊朝晟卒。軍中欲奉寧州刺史劉南金爲帥。南金曰。節度使固我所欲。然非天子之命則不可。命閉門不納。衆去。詣兵馬使高固。固逃匿。搜得之。固曰。諸軍能用吾言則可。衆曰。惟命。固曰。毋殺人。毋掠金帛。衆曰。諾。乃共詣監軍。請奏之。衆曰。劉君必撓吾事。詐稱監軍。命召計事。至而殺之。上聞之。遣高品。唐內侍省官名。薛盈珍往。詔軍情。盈珍遂以上旨。命固知軍事。固宿將。以寬厚得衆。前使忌之。置于散地。同列多輕侮之。及起爲帥。一無所報復。由是軍中遂安。

成德節度使王武俊卒。

以其子士真代之。

秋九月。韋臯大破吐蕃于雅州。唐置。今爲府。屬四川。

初。吐蕃寇鹽州。又陷麟州。敕臯出兵深入吐蕃。以分其

勢。臯遣將將兵二萬。分出九道。破吐蕃于雅州。轉戰千

里。凡拔城七。軍鎮五。焚堡百五十。斬首萬餘級。圍維州。

唐置。故城在今四川茂州保縣。及昆明城。唐縣。後沒吐蕃。今爲鹽源縣。屬四川寧遠府。明年。

吐蕃救維州。臯擊敗之。獲其將論莽熱。吐蕃遣論莽熱將兵十萬解維州之圍。四川兵據險設伏以待之。虜衆大敗。擒論莽熱。

士卒死者大半。維州。昆明。竟不下。引兵還。遣使獻論莽熱。

赦之。

冬十月。以韋臯爲司徒。南康王。

壬十八年。秋七月。詔百官毋得正牙奏事。

正牙聽政之所假奏事以
訟私通庸鄙無知宜加禮
貴然於令甲固無損也乃
由此遽改舊章帝因噎
廢食

嘉王諮議高弘本。正牙奏事。自理通債詔曰。今毋得正
牙奏事。如有陳奏。詣延英門請對。議者以爲正牙奏事。
所以達羣情。講政事。弘本無知。黜之可也。不當因人而
廢事。

癸未十九年夏六月。以孫榮義爲右神策中尉。

榮義與右神策中尉楊志廉。皆驕縱招權。依附者衆。宦
官之勢益盛。

自正月不雨。至于秋七月。

冬十二月。以高郢。鄭珣瑜。字元伯。鄭州榮澤人。同平章事。

時崔損卒。齊抗罷相。遂以郢。珣瑜並同平章事。

貶韓愈爲陽山。漢縣。今屬廣東連州。令。

京兆尹李實恃恩驕傲為政暴戾務徵求以給進奉言于上曰今歲雖旱而禾苗甚美由是租稅皆不免人窮至壞屋賣瓦木麥苗以輸官優人成輔端為謠嘲之實奏輔端誹謗朝政杖殺之監察御史韓愈言京畿百姓窮困今年稅物徵未得者請俟來年遂坐貶

甲申二十年春正月以任迪簡京兆萬年人為天德軍防禦使

初天德防禦使李景畧嘗宴僚佐行酒者誤以醯進迪簡恐行酒者獲罪彊飲之歸而嘔血軍士聞之泣下及景畧卒遂欲奉以為帥監軍以聞詔從之

秋八月以盧從史其先元魏時盛族後徙籍不常為昭義節度使

昭義節度使李長榮卒上遣中使以手詔授本軍大將

為人隱過固長者之事若以醯行酒彊飲以冀遁入之罪且飲醯亦未必至嘔血迪簡特藉此要結衆心矯情飾偽諸軍士遂墮其術中觀他日之推奉代帥肺肝如揭矣

叔文謂太子不宜言外事
語似忠愛然其結黨謀攻
幾致召亂乃知小人伎倆
其始必親襲公正以自結
及其得志營私植黨遂無
所不為觀任文等踪跡詭
秘陰為求速進者標榜而

但軍士所附者即授之時大將來希皓為眾所服中使
以手詔付之希皓曰此軍取人合是希皓但作節度使
不得若朝廷以一束草來希皓亦必敬事言若束草為
敬而因固辭兵馬使盧從史潛與監軍相結超出伍曰
從史請且勾當此軍監軍曰此固合聖旨中使因取詔
授之從史再拜舞蹈希皓亟回揮同列北面稱賀

九月太子有疾

初翰林待詔王伾

杭州人

善書王叔文

越州山陰人

善碁俱出

入東宮娛侍太子叔文詭譎多詐自言讀書知治道太
子嘗與諸侍讀論及宮市事曰寡人方欲極言之眾皆
稱贊獨叔文無言既退太子自留叔文謂曰向者君獨

文人之無行者復為羽翼
構煽牢不可破憲宗鋤而
去之其斷制有足稱者

無言豈有意耶。叔文曰。太子職當視膳問安。不宜言外
事。陛下在位久。如疑太子收人心。何以自解。太子泣曰。
非先生寡人無以知此。遂大愛幸。與伾相依附。因言某
可為相。某可為將。幸異日用之。密結翰林學士韋執誼
及朝上有名而求速進者。陸淳字伯仲。後更名質。吳縣人。呂溫字和叔。渭
之。李景儉漢中王之子。韓曄混族子。韓泰字安平。瑗族會孫。陳諫史不
所。柳宗元字子厚。其先河東人。後徙于吳。劉禹錫字夢得。中山人。等定為死友
而凌準字宗長。安人。程昇字師舉。長安人。等又因其黨以進。日與遊處。

言

二十一年

順宗皇帝

春正月帝崩。太子即位。

是為順宗

正月朔。諸王親戚入賀。太子獨以疾不能來。上涕泣悲
歎。由是得疾。凡二十餘日。中外不通。莫知兩宮安否。帝
崩。倉猝召翰林學士鄭綱。衛次公。字從周。河東人。等草遺詔。宦
官或曰。禁中議所立。尚未定。次公遽言曰。太子雖有疾。
地居冢嫡。中外屬心。必不得已。猶應立廣陵王。名純。太子之子。
即憲宗。不然。必大亂。綱等從而和之。議始定。太子知人心
憂疑。力疾出九仙門。內西苑東北角門。召見諸軍使。京師粗安。
明日。太子卽位。以失音不能決事。宦官李忠言。昭容牛
氏侍左右。百官奏事。自帷中可其奏。王伾召叔文坐翰
林中。使決事。伾入言于忠言。稱詔行下。外初無知者。
以韋執誼同平章事。

王叔文專國政。首引執誼爲相。已用事于中。與相倡和。
李師古發兵屯曹州。

時告哀使未至諸道。義成節度使李元素密以遺詔示
師古。師古欲乘國喪噬鄰境。乃集將士謂曰。聖上萬福。
而元素忽傳遺詔。是反也。宜擊之。遂發兵屯曹州。且告
假道于汴。韓弘使謂曰。汝能越吾界而爲盜耶。元素告
急。弘曰。吾在此。公安無恐。或告曰。剪棘夷道。兵且至矣。
請備之。弘曰。兵來不除道也。不爲之應。師古計窮。且聞
上卽位。乃罷兵。吳少誠以牛皮遺師古。師古以鹽資少
誠。潛過宣武界。弘皆留之。曰。此于法不
得。以私相餽。師
古等皆憚之。

貶李實爲通州。

西魏置。宋收達
州。今州隸四川。長史。

實殘暴。掊斂及貶市里。謗呼皆袖瓦礫遮道伺之。

以王伾爲左散騎常侍。王叔文爲翰林學士。

伾寢陋吳語。上所褻狎。而叔文自許微知文義。好言事。上以故稍敬之。以伾爲散騎常侍。仍待詔翰林。叔文爲學士。庶事先下翰林。使叔文可否。然後宣于中書。韋執誼承而行之。韓泰。柳宗元。劉禹錫等。采聽謀議。汲汲如狂。互相推獎。偶然自得。以爲伊周管葛復出也。榮辱進退。生于造次。惟其所欲。不拘程式。其門晝夜車馬如市。伾亦尋爲翰林學士。

大赦罷進奉宮市。五坊小兒。

先是。鹽鐵月進羨餘。經入益少。五坊小兒。張捕鳥雀于

閭里者。皆爲暴橫。以取人錢物。至有張羅網于門。或張井上。近之。輒曰。汝驚供奉鳥雀。卽痛毆之。出錢物求謝。乃去。或相聚飲于酒肆。賣者就索其直。多被毆詈。或時留蛇一囊爲質。賣者求哀。乃挈而去。上在東宮。知其弊。故卽位首禁之。

追陸贄。陽城赴京師。未至卒。

德宗之末。十年無赦。羣臣以微譴逐者。不復敘用。至是始得量移。追陸贄。陽城赴京師。二人皆未聞追詔而卒。

贄之秉政也。貶李吉甫爲明州長史。及贄貶。吉甫徙刺忠州。贄門人以爲憂。而吉甫忻然以宰相禮事之。贄遂與深交。李吉甫。字洪憲。桐鉤之子。明州唐置。今浙江寧波府是。

以杜佑爲度支等使。王叔文爲副使。

先是叔文與其黨謀得國賦在手。則可以結諸用事人。取軍士心。以固其權。又懼人心不服。藉杜佑雅有會計之名。位重而務自全。佑于貞元十八年春同平章事。易可制。故先令佑主其名。而自除為副。以專之。叔文不以簿書為意。日夜與其黨屏人竊語。人莫測其所為。

以武元衡

字伯蒼平之孫。

為左庶子。

叔文之黨多為御史中丞。元衡薄之。劉禹錫求為山陵儀仗使判官。不許。叔文又使其黨誘元衡以權利。不從。由是左遷元衡為左庶子。侍御史竇羣奏禹錫挾邪亂政。不宜在朝。又嘗謂叔文曰。事固有不可知者。叔文曰。何謂也。羣曰。去歲李實怙恩挾貴。氣蓋一時。公當此時。遠巡路旁。乃江南一吏耳。今公一旦復據其地。安知路旁無如公者乎。其黨欲逐之。羣執誼以羣素有疆直名。止之。竇羣字丹立。京兆金

城人。

立廣陵王純為皇太子。

上久疾不愈。中外危懼。思早立太子。而王叔文之黨欲專大權。惡聞之。宦官俱文珍、劉光琦、薛盈珍等疾叔文等。乃啓上召學士鄭絪等入草制。時牛昭容輩以廣陵王淳英睿。惡之。細不復請書紙為立嫡。以長字呈上。上領之。乃立淳為太子。更名純。百官睹太子儀表。大喜。相賀。有感泣者。而叔文獨有憂色。誦杜甫字子美題諸葛亮祠堂詩以自況。聞者哂之。先是杜黃裳為裴延齡所忌。留帶臺閣。十年不遷。及其婿韋執誼為相。始遷太常卿。黃裳勸執誼帥羣臣請太子監國。執誼驚曰。丈人甫得一官。奈何。啓曰。議禁中事。黃裳勃然曰。黃裳受恩三朝。豈得以一官相買乎。拂衣起出。至是。執誼恐太子不悅。故以陸贄為侍讀。使潛

執誼附權。俾進身至為相。而諸事不能自主。坐一官相買耳。黃裳數言自是誅心之論。

何太子意且解之太子怒曰陛下令先生為寡人講經義耳何為預他事質懼而出陸質即陸淳避太子名改

賈耽鄭珣瑜病不視事

耽以王叔文黨用事惡之稱疾不出屢乞骸骨故事丞相方食百寮無敢謁見者叔文至中書欲見執誼直省以舊事告叔文怒叱之直省懼入白執誼慙赧起迎叔文就其閑語良久叔文索飯執誼遂與同食閣中杜佑高郢心知不可而莫敢言珣瑜獨歎曰吾豈可復居此位顧左右取馬徑歸遂不起二相皆天下重望相次歸臥叔文等益無所忌遠近大懼

夏五月以范希朝為神策京西行營節度使韓泰為行軍

佑郢心知不可而莫敢言
伴食中書固無足責耽與
珣瑜既素負重望且擊姦
黨紊政而不能制雖相次
歸臥於國事何裨范祖禹
以知恥許之不可謂篤論

司馬。

王叔文自知爲內外所疾。欲奪取宦官兵權。以自固。藉希朝老將。使主其名。而實以泰專其事。人益疑懼。泰有能決大事。爲叔文等所倚重。

以王叔文爲戶部侍郎。

叔文爲戶部侍郎。俱文珍等惡其專權。削去翰林之職。叔文驚曰。叔文日至此。商量公事。若不得此院職事。則無因而至矣。王伾卽爲疏請。乃許。三五日一入翰林。叔文始懼。

六月。貶羊士諤爲寧化。

唐縣。今屬福建汀州府。尉。

宣化巡官羊士諤。以事至長安。遇叔文用事。公言其非。

叔文怒欲斬之。執誼不可。遂貶焉。執誼初爲叔文所引用。深附之。既得位。欲掩其迹。且短于公議。故時時爲異。同輒使人謝叔文曰。非敢負約。乃欲曲成兄事耳。叔文訴怒不之信。遂成仇怨。

王叔文以母喪去位。

叔文旣以范希朝韓泰主神策行營。邊將各以狀辭中尉。宦者始悟兵柄爲叔文等所奪。乃大怒。密令其使歸。告諸將曰。無以兵屬人。希朝至奉天。諸將無至者。泰馳歸白之。叔文計無所出。未幾。以母喪去位。韋執誼益不用其語。叔文怒。與其黨謀起復。斬執誼而盡誅不附已者。王伾日詣宦官。及杜佑。請起叔文爲相。總北軍。坐翰林中。疏三上。不報。知事不濟。忽叫曰。伾中風矣。遂輿歸。

不出。

橫海軍節度使程懷信卒。

以其子執恭爲留後。

後賜名權。

秋七月。太子監國。

先是。韋臯表請太子監國。

臯上表曰。陛下哀毀成疾。請權令太子親監庶政。俟皇躬

痊愈。復歸春宮。又上太子牋曰。聖上亮陰不言。委政臣下。而所付非人。王叔文。王伾。李忠言之徒。輒當重任。墮

紊紀綱。樹置心腹。恐危家邦。願殿下卽日。俄而荆南裴奏聞。斥逐羣小。使政出主。則四方獲安。

均。

字君齊。光庭會孫。

河東嚴綬。牋表繼至。意與臯同。中外皆倚

以爲援。至是。上亦惡叔文黨。俱文珍等因屢請以太子

監國。上許之。

以杜黃裳。袁滋。同平章事。鄭珣。瑜。高郢。罷。

俱文珍等以黃裳滋皆舊臣故引用之

八月帝傳位于太子自號太上皇貶王伾為開州唐置今四川夔

州府開縣是司馬叔文為渝州唐置今四川重慶府是司戶

伾尋病死明年賜叔文死

太子即位是為憲宗

昇平公主獻女口上曰上皇不受獻朕何敢違遂卻之

荆南獻毛龜上曰朕所寶惟賢嘉禾神芝皆虛美耳所

以春秋不書祥瑞自今勿復以聞珍禽奇獸亦毋得進

西川節度使南康王韋臯卒諡曰忠武

臯在蜀二十一年重加賦斂豐貢獻以結主恩厚給賜

以撫士卒士卒婚嫁死喪皆供其費以是得久安其位

士卒樂爲之用。服南詔。摧吐蕃。府庫既實。時寬其民。三年一復租賦。蜀人服其智謀。而畏其威。及卒。畫像爲土神祀之。

夏。綏節度使韓全義致仕。

全義敗于激水。還不朝。覲而去。上在藩邸。聞而惡之。全義懼。乃請入朝。杜黃裳直令致仕。

罷裴延齡所置庫。

遣使宣慰江淮。

以鄭餘慶

字君業。網從子。

同平章事。

貞元中。餘慶爲相。以比戶部侍郎于頔

頔之兄。

坐貶。

餘慶與頔

素善。頔所奏事。餘慶多勸行。及上卽位。復以爲同平章之德宗。以爲朋比。遂貶郴州。

及上卽位。復以爲同平章。

事。明年夏。餘慶罷。

始令史官撰日歷。劉友益曰。日歷之名始見于此。

從監修國史韋執誼之請也。

貶韓泰韓晔柳宗元劉禹錫為諸州刺史。已又貶泰等為諸州司馬。

冬十月葬崇陵。在西安府涇陽縣嵯峨山。

范氏祖禹曰。德宗享國二十有六年。糝政尤多。初欲削平僭叛。剗滅藩鎮。一有奉天之難。而心隕膽破。惟恐生事。既猜防臣下。則專任宦者。思其窮窘。則聚斂括克。自古治愈久而政愈弊。年彌進而德彌退。鮮有如德宗者。是以藩鎮彊而王室弱。宦者專而國命危。貪政多而民心離。唐室之亡。卒以是三者。其所從來漸矣。

十一月。祔于太廟。

禮儀使杜黃裳等議。以為國家法周制。太祖猶后稷。高祖猶文王。太宗猶武王。皆不遷。高宗在三昭三穆之外。

請遷主于西夾室從之。

貶韋執誼為崖州司戶。

叔文敗。執誼亦自失形勢。奄奄無氣。聞人行聲。輒惶悸失色。以至于貶。

十二月。以劉闢

字太初。貞元中進士。

為西川節度副使。韋丹

字文明。孝寬六

世孫為東川節度使。

先是。韋臯卒。劍南支度副使

唐六典。凡天下邊軍。皆有支度使。以計軍資糧仗。劉

闢由支度副使。表求旌節。尋授為節度副使。綱目于闢求旌節。即作節度副使。誤。今依新舊書及通鑑改正。

劉闢自為留後。表求節鉞。朝廷不許。以袁滋為節度使。

徵闢為給事中。闢不受徵。阻兵自守。滋畏其彊。不敢進。

上怒。貶滋吉州刺史。又以新嗣位。力未能討闢。因授闢

節度副使諫議大夫韋丹上疏曰今釋闕不誅則朝廷
可以指臂而使者惟兩京耳此外誰不為叛上善其言
以丹鎮東川。

以鄭絪同平章事

絪由翰林學士為中書侍郎同平章事。

憲宗皇帝

丙戌元和元年春正月太上皇崩。

劉闢反命神策行營節度使高崇文幽州人將兵討之。

闢既得旌節志益驕求兼領三川上不許闢遂發兵圍

梓州。

推官林蘊力諫闢怒將斬之陰戒行刑者使不殺但數礪刃于其頸欲使屈服而赦之蘊叱之曰

豎子當斬即斬我頸豈汝砥石耶闢曰忠烈士也乃上

黜之。

林氏風俗通曰林放之後蘊字復夢莆田人。

卷之二十一

三

欲討闢而重于用兵公卿議者亦以為蜀險固難取杜

黃裳獨曰闢狂慙書生取之如拾芥耳臣知神策軍使

高崇文勇畧可用願陛下專以軍事委之勿置監軍闢

必可擒上從之翰林學士李吉甫亦勸乃削闢官爵詔

崇文與神策行營兵馬使李元爽河南西道節度使嚴

礪字元明震從祖弟討之時宿將甚眾皆自謂當征蜀崇文時

屯長武城注見前練卒五千常如寇至受詔即行器械糗

糧一無所闕軍士有食于逆旅折人七箸者崇文斬以

徇劉闢陷梓州執東川節度使李康崇文引兵趣梓州

闢歸康以求自雪崇文以康敗軍失守斬之初上與杜

潘鎮黃裳曰德宗自經憂患務為姑息不生除節帥有物故者遣中使察軍情所與則授之未嘗出朝廷之意

陛下必欲振舉綱紀。宜稍以法度。裁制藩鎮。然後天下
可得而理也。上深以為然。于是始用兵討蜀。以至威行
兩河。皆黃裳啓之也。上嘗與宰相論自古帝王。或勤
勞庶政。或垂拱無為。何為而可。黃裳對曰。王者上承天
地宗廟。下撫百姓。四夷夙夜憂勤。固不可自暇逸。然上
下有分。紀綱有敘。苟慎選賢才而委任之。有功則賞。有
罪則刑。則誰不盡力。明主勞于求人。而逸于任人。此虞
舜所以無為而治者也。至于簿書獄市。煩細之事。各有
司存。非人主所宜親也。昔秦始皇以衡石程書。魏明帝
自按行尚書事。隋文帝衛士傳餐。皆無補當時。取譏後
世。所務非其道也。上深然之。

三月夏綏留後楊惠琳拒命。詔河東天德軍討誅之。

韓全義之入朝也。以其甥楊惠琳知留後。朝廷以將軍

李演為夏綏節度使。惠琳勒兵拒之。河東節度使嚴綏

表請討之。遣牙將阿跌

代北復姓。

光進

其先河曲諸部後家太原。

及弟光

顏

字光遠。

將兵赴之。夏州兵馬使張承金斬惠琳。傳首京

師光進兄弟在河東皆以勇敢聞後賜姓李氏

夏四月以高崇文為東川節度副使

韋丹至漢中表言高崇文客軍遠鬪無所資若與梓州

綴其士心必能有功故有是命

策試制舉之士

于是元稹字微之河南人獨孤郁字古風及之子白居易字樂天下邳人蕭俛

字師謙沈傳師字子言既濟之子出焉上以稹俛為左右拾遺

居易為整屋尉傳師為校書郎稹上疏論諫職畧曰昔太宗以王珪魏徵為諫

官宴遊寢食未嘗不在左右三品以上入議大政必遣諫官一人隨之以參得失故天下大理今諫官就列朝

謁而已近年以來正牙不奏事庶官罷巡對諫官能舉職者獨詰命有不便則上封事耳君臣之際諷諭于未

形籌畫于至密尚不能回至尊之盛意况已行之詰令而欲以咫尺之書收之誠亦難矣願陛下時于延英召

對使盡所懷。頃之。復上疏曰。開直言。廣視聽。理之萌也。甘詔諛。蔽近習。亂之象也。自古人主卽位之初。必有敢言之士。苟受而賞之。則君子樂行其道。競爲忠讜。小人亦貪得其利。不爲回邪。如是。則上下之志通。幽遠之情達。欲無理得乎。苟拒而罪之。則君子括囊以保身。小人迎合以竊位。十步之事。皆可欺也。欲無亂得乎。昔太宗初卽位。孫伏伽以小事諫。太宗厚賞之。故當時言事者。惟患不深切。未嘗以觸忌諱爲憂也。太宗豈好道意而惡從欲哉。誠以順適之快小。而危亡之禍大。故也。陛下踐祚。今已周歲。未見有受伏伽之賞者。臣等備位諫列。曠日彌年。不得召見。而况疏遠之臣乎。因條奏請次對百官。復正牙奏事。禁非時貢獻等十事。又勸上以任文爲戒。早擇修正之士。輔導諸子。上頗嘉納其言。時召見之。巡對猶云。轉對貞元中。令常參官。每日引見二人。訪以政事。謂之巡對。後罷。

以李巽爲度支鹽鐵轉運使。

杜佑請解鹽鐵。舉巽自代。自劉晏之後。居職者莫能繼之。巽掌使一年。征課所入。類晏之多。明年過之。又一年。

加一百八十萬緡。

葬豐陵。

在西安府富平縣東北。

秋八月平盧節度使李師古卒。

師古卒判官高沐李公度奉師古異母弟師道爲節度副使總軍務久之朝命未下或請出兵掠四境高沐固止之請輸兩稅申官吏行鹽法奉表京師杜黃裳請乘其未定而分之上以劉闢未平以師道爲留後。

九月堂後主書

堂後官也滑渙伏誅。

渙久在中書與知樞密

代宗時始置內樞密使以宦者爲之

劉光琦相結

杜佑鄭絪等皆善視之鄭餘慶與諸相議事渙從旁指陳是非餘慶怒叱之未幾罷相四方賂遺無虛日中書

用兵雖難喻度而萬策
劉闢必敗委在崇文諸所
部署機宜悉協是以李唐
積玩之後惟憲宗削平諸
鎮粗有可觀茲役實為喘
矢

舍人李吉甫言其專恣請去之上命宰相闔中書四門
搜掩盡得姦狀賜死籍沒家財凡數十萬

高崇文克成都擒劉闢送京師誅之

先是崇文破鹿頭關

在今四川綿州德陽縣北以鹿頭山名

連戰皆捷詔

征蜀諸軍悉取崇文處分至是崇文復屢敗劉闢河東

將阿跌光顏將兵會崇文于行營愆期一日懼誅欲深

入自贖軍于鹿頭之西斷其糧道于是綿江

即今綿陽河源出綿

竹縣下流至漢州入雒

鹿頭諸將皆以城降崇文遂長

驅直指成都克之闢奔吐蕃崇文使高霞寓

幽州范陽人

追

擒之遂入成都屯于通衢市肆不驚秋毫無犯檻闢送

京師斬其大將邢泚餘無所問命軍府事一遵韋南康

韋臯封南康王。故云。故事。從容指撫。一境皆平。先是知邛州崔從

攻之。從固守得免。臯參佐皆素服請罪。崇文皆禮而以書諫闕闕發兵

薦之。獨謂段文昌曰。君必為將相。未敢奉薦。闕有二妾皆殊色。監軍請獻之。崇文曰。天子命我討平凶豎。當以

撫百姓為先。遽獻婦人以求媚。豈天子之意邪。崇文義不為此。乃以配將吏之無妻者。邛州梁置。今隸四

川。崔從。字子義。融曾孫。段文昌。字墨卿。志元元孫。初。杜黃裳建議征蜀。指授方畧。皆懸合事宜。崇文素憚劉

潼。盧龍節度使濟之弟。德宗時。舉部歸朝。授秦州刺史。御軍嚴整。蕃戎懾服。黃裳使謂崇文

曰。若無功。當以潼相代。故能得其死力。及蜀平。宰相入

賀。上目黃裳曰。卿之功也。闕至長安。并族黨悉誅之。

微少室。注見前。山人李渤。字濬之。洛陽人。為左拾遺。

渤辭疾不至。然朝廷政有得失。輒附奏陳論。

冬。十月。以高崇文為西川節度使。柳晟。河中解人。為山南西道

既不就徵。又復附陳得矣。
韓愈詩。少室山人索價高。
足為好名出位之戒。

節度使。

晟至漢中。府兵討劉闢還。未至城。詔復遣戍梓州。軍士怨怒。謀作亂。晟聞之。疾驅入城。慰勞之曰。汝曹何以得成功。對曰。誅反者劉闢耳。晟言闢以不受詔命。故汝曹得以立功。豈可復使他人誅汝以爲功邪。衆皆拜謝。請詣戍所。

十一月。以吐突承瓘吐突。代北複姓。承瓘。閩人。爲左神策中尉。

承瓘事上于東宮。以幹敏得幸。

回鶻入貢。

始以摩尼偕來。摩尼。猶中國之僧也。其法曰。晏乃。置寺食。食葷而不食湮酪。回鶻信奉之。

處之。其後往來爲姦。十二年。遣歸其國。

丁亥二年春正月。司徒杜佑請致仕。

上以佑高年重德。禮重之。常呼司徒而不名。佑以老疾請致仕。詔令佑每月一再入朝。因至中書議大政。

杜黃裳罷爲河中節度使。

黃裳有經濟大畧。而不修小節。故不得久在相位。

以武元衡。李吉甫。同平章事。

吉甫。謂中書舍人裴垍。

字弘中。聞喜人。

曰。吉甫流落江淮。踰十

五年。一旦蒙恩至此。思所以報德。惟在進賢。而朝廷後

進罕所接識。君有精鑒。願悉爲我言之。垍取筆疏三十

餘人。數月之間。選用畧盡。當時翕然稱吉甫爲得人。

夏四月。以范希朝爲朔方靈鹽節度使。

薦賢爲國亦當有週知忱
恂之實舍人筆疏三十餘
人豈必悉真幹材吉甫于
數月間選用畧盡得人之
道固如是乎山公啓事每

信為後來虛聲假託觀此益

以右神策鹽州定遠

軍名唐初置故城在今寧夏府新渠縣北

兵隸焉以革

舊弊任邊將也

希朝以宿衛出師以革任用邊將之弊

李錡反制削官爵屬籍發諸道兵討之鎮海兵馬使張子

良執錡送京師伏誅

夏蜀既平藩鎮惕息鎮海節度使李錡不自安求入朝

上許之錡實無行意屢遷行期稱疾請至歲暮武元衡

曰錡求朝得朝求止得止將何以令四海上以為然下

詔徵之錡計窮遂謀反殺留後王澹制削錡官爵遣淮

南節度使王鐸統諸道兵討之

時常州刺史顏防斬錡將李深傳檄蕲杭湖睦

請同進討湖州刺史辛秘亦斬錡將趙惟忠 辛秘錡

系出隴西睦州隋置今浙江嚴州府是餘注俱見前 遣兵馬使張子良等將兵襲宣州子良等知錡必敗與

牙將裴行立同謀。夜還趣城。執錡械送京師。

時羣臣入賀。上愀然

曰。朕不德。致宇內數有干紀者。何賀之有。

上御興安門。引錡面詰之。對曰。臣

初不反。張子良等教臣耳。上曰。卿爲元帥。子良等謀反。

何不斬之而入朝。錡無以對。乃并其子腰斬之。

宰相議誅錡大

功以上親。兵部郎中蔣乂曰。錡大功親。皆淮安靖王之

後也。淮安有佐命之功。陪陵享廟。豈可以末孫爲惡而

累之乎。又欲誅其兄弟。又曰。錡兄弟。故都統國貞之子

也。國貞死王事。豈可使之不祀乎。乃皆流貶。

淮安靖王名神通。李國貞爲絳州行營兵所殺。事具前。

有司籍其家財輸京師。翰林學士裴垪。李絳。

字深之。系本贊皇。

言。錡割剝六州以富其家。今以

輸上京。恐遠近失望。願以賜浙西百姓。代今年租賦。上

嘉歎從之。

以武元衡爲西川節度使。高崇文爲邠寧節度使。

高崇文在蜀。其年。謂監軍曰。西川爲宰相回翔之地。崇文豈敢自安。屢上表稱蜀中安逸。無所陳力。願効死邊陲。故有是命。

盧從史擅出兵屯邢洛。

昭義節度使盧從史。內與王士真。劉濟通。而外獻策請圖山東。擅引兵東出邢洛。上召令還。從史不時奉詔。久之乃還。上召李絳語之曰。朕與鄭綱議。敕從史歸上黨。續徵入朝。綱乃泄之于從史。使稱上黨乏糧。就食山東。負朕乃爾。將何以處之。對曰。審如此。滅族有餘矣。然綱從史不自言。陛下誰從得之。上曰。吉甫密奏。絳曰。搢紳之論。以綱爲佳士。恐必不然。或者同列欲專朝政。疾寵

忘前願陛下熟察之上良久曰非卿言朕幾誤處分。上嘗問絳曰諫官多謗訕無事實朕欲摘其尤者一二以儆其餘何如對曰此殆非陛下之意必有邪臣欲壅蔽陛下之聰明也人臣死生繫人主喜怒敢發口諫者有幾就有諫者皆晝度夜思朝刪暮減比得上達什無二三故人士孜孜求諫猶懼不至况罪之乎如此杜天下之口非社稷之福也上善其言謂宰相曰太宗以神聖之資羣臣進諫者猶往復數四况朕寡昧自今事有違宜卿當十論無但一二而已

羣臣上尊號。

以白居易爲翰林學士。

居易作樂府百餘篇規諷時事流傳禁中上悅之故有是命。

李吉甫上元和國計簿。

總計天下方鎮四十八州府二百九十五縣千四百五

十三

其鳳翔。鄜坊。邠寧。振武。涇原。銀夏。靈鹽。河東。易定。魏博。鎮冀。范陽。滄景。淮西。淄青等十五道。七十一

州。不申戶口外。每歲賦稅倚辦。止于浙江東西。宣歙。淮南。江西。鄂岳。福建。湖南。八道。四十九州。百四十四萬戶。

戶稅比天寶四分減三。兵給比天寶三分增一。大率二

戶資一兵。其水旱所傷。非時調發。不在此數。

戊子

三年春正月。大赦。禁長吏詣闕進奉。

知樞密院劉光琦奏。分遣中使齎敕詣諸道。意欲分其

饋遺。翰林學士裴垍。李絳奏。敕使所至煩擾。不若但付

急遽。

傳遽馳驛。兼程而行。

上從之。光琦稱舊例。上曰。例是則從之。

苟非是。何不改。中丞盧坦彈奏。山南西道節度使柳晟

浙東觀察使閻濟美。違赦進奉。上召坦褒慰之曰。朕已

釋之。不可失信。坦曰。敕令宣布海內。陛下之大信也。晟

等不畏陛下法。奈何存小信。棄大信乎。上乃命歸所進于有司。

夏四月。策試賢良方正。直言直諫舉人。

牛僧孺。

字思黯。弘七世孫。

皇甫湜。

字持正。睦州新安人。

李宗閔。

字損之。鄭王元懿四

世孫。皆指陳時政之失。無所避。考官楊於陵。字達夫。漢太尉震之後。

韋貫之。

本名純。避諱。以字行。叟八世孫。

署為上第。上亦嘉之。李吉甫惡

其言直。泣訴于上。且言湜。翰林學士王涯。

字廣津。太原人。

之甥

也。涯與裴垪覆策。而不自言。上不得已。罷垪。貶貫之。巴

州刺史。涯號州司馬。於陵嶺南節度使。僧孺等久之不

調。各從辟于藩府。

劉友益曰。唐末黨禍起于此。

以裴均為右僕射。盧坦為庶子。

均素附宦官。嘗入朝。踰位而立。御史中丞盧坦揖而退之。均不從。坦曰。昔姚南仲爲僕射。位在此。均曰。南仲何人。坦曰。是守正不交權倖者。坦尋改右庶子。白居易上疏曰。牛僧孺等直言時事。而遭斥逐。楊於陵等以收直言而坐譴謫。盧坦以舉職事而黜庶子。此數人。皆今之人望。天下視其進退。以卜時之否臧者也。一旦無罪。悉疎棄之。上下杜口。衆心恟恟。陛下亦知之乎。且陛下旣下詔徵之。直言索之。極諫。僧孺等所對如此。縱未能推而行之。又何忿斥而罪之乎。

五月。沙陀來降。以其酋長執宜爲陰山兵馬使。

劉友益曰。朱邪入中

國始此。

沙陀勁勇冠諸胡。吐蕃每戰。

沙陀降吐蕃。事具前。

以爲前鋒。回鶻

攻吐蕃。取涼州。吐蕃疑沙陀貳于回鶻。欲遷之河外。沙

陀懼。會長朱邪盡忠與其子執宜謀復歸唐。帥部落三

萬而東吐蕃追之轉戰數百合盡忠死部衆亡者大半。
餘萬人詣靈州降。節度使范希朝置之鹽州爲市牛羊。
廣其畜牧善撫之。詔置陰山府以執宜爲兵馬使。每有
征討用之皆捷。靈鹽軍益彊。

秋七月辛巳朔日食。

以盧坦爲宣歙觀察使。

坦到官值歲饑穀價日增。或請抑之。坦曰。宣歙穀少。仰
食四方。若價賤則商船不來。益困矣。旣而斗米二百。商
旅幅輳。民賴以生。

淮南節度使王鐸入朝。

鐸厚進奉。賂宦官求平章事。白居易言。宰相人臣極位。

非清望大功。不應授。今除錫。則諸鎮皆生冀望。與之。則典章大壞。又不感恩。不與。則厚薄有殊。或生怨望。且錫在鎮。百計誅求。自入進奉。若除宰相。藩鎮效之。競為割剝。則百姓何以堪之。事遂寢。

以裴垍同平章事。

上雖以李吉甫故。罷垍學士。然寵信彌厚。故未幾復擢為相。嘗謂之曰。以太宗元宗。猶藉輔佐以成其理。況如朕不及先聖萬倍者乎。垍亦竭誠輔佐。上嘗問垍。為理之要何先。對曰。先正其心。舊制民稅。分上供。供度送使。送本留州。存留三品。建中初。定兩稅。時貨重錢輕。是後。道本州貨輕錢重。民所出已倍其初。民輸本色。準錢過倍。其留州送使者。

裴坦不徇故人之請是以
能識拔李絳羣羣貴之
裴度李夷簡諸人洵不愧
知人之鑒惟所稱他日有
盲宰相憐公不妨得之此
則復成何語一言以爲不
智諒哉 李藩

行抄本在太倉書院

卷之五十一

三四

所在又降省估。

都省所立之價。

就實估。

出物處時價。

以重斂于民。

有司

于折價。則準時價以多取錢于買物。則又

準增價以多取物。是反覆倍征于民也。

均奏請一用

省估。其觀察使先稅所理州以自給。不足。然後稅屬州。

由是江淮稍蘇。先是執政多惡諫官。言時政得失。均獨

賞之。

均器局峻整。人不敢干以私。嘗有故人自遠請之。均待之優厚。其人乘間求京兆判司。均曰。公才不

稱此官。均不敢以私害公。他日有盲宰相憐公者。不妨得之。均則必不可。

李吉甫罷。

吉甫病。醫者夜宿其家。御史中丞竇羣劾吉甫交通術

士。上大駭。訊之無狀。羣坐貶吉甫亦乞免。乃出爲淮南

節度使。

邠公杜黃裳卒。

諡曰宣。

黃裳達權變有王佐大畧。當大政未久不究其才。及處
天下嘗所屬意。至是卒年七十。贈司徒。

四年春正月。南方旱饑。遣使宣慰賑恤。

宣慰使鄭敬德等將行。上戒之曰。朕宮中用帛一匹。皆
籍其數。惟賜救百姓。則不計費。卿等宜識此意。

鄭綱罷。以李藩同平章事。

藩為給事中。制敕有不可者。即于黃紙後批之。吏請更
連素紙。藩曰。如此乃狀也。何名批敕。裴洎薦藩有宰相
器。上以綱循默。罷之。擢藩為相。藩知無不言。上甚重之。
三月。成德節度使王士真卒。

子承宗自為留後。

承宗叔父士則。以承宗擅立。恐禍及
宗。與幕客劉柄楚俱自歸京師。詔以

士則爲神策大將軍。

劉杻楚鎮州人。

閏月制降繫囚蠲租稅出宮人絕進奉禁掠賣。

上以久旱欲降德音李絳白居易言欲令實惠及人無如減其租稅宮人數廣宜簡出之諸道橫斂以充進奉南方多掠良人賣爲奴婢皆宜禁絕上悉從之制下而雨絳表賀曰乃知憂先于事故能無憂事至而憂無救于事。

詔贖魏徵故第賜其家。

魏徵元孫稠貧甚以故第質錢于人平盧節度使李師道請以私財贖出之白居易奏言事關激勸宜出朝廷師道何人敢掠斯美望敕有司以官錢贖還上乃出內

庫二千緡贖以賜稠仍禁質賣

立鄧王寧爲皇太子

李絳等奏曰陛下臨御四年儲闈未立非所以承宗廟重社稷也故有是命

夏四月山南東道節度使裴均

于頓入朝均節度山南東道

進銀器

均有中人之助于德音後首進銀器千五百兩李絳白居易等言均欲以此嘗陛下願却之上遽命出付度支尋密諭進奏院自今諸道進奉無得申御史臺有訪問者輒以名聞居易復以爲言上不聽

起復盧從史爲金吾大將軍

上欲乘王士真死除人代之不從則興師討之以革河

征討吐蕃金吾大將軍

三

北諸鎮世襲之弊。裴垕曰。李納跋扈不恭。王武俊有功。于國。陛下前許師道。今奪承宗。沮勸違理。彼必不服。由是議久不決。上以問諸學士。李絳曰。武俊父子相承。四十餘年。今承宗又以總軍務。一旦易之。恐未卽奉詔。又河北諸鎮。事體正同。必不自安。陰相黨助。雖有勸成之請。亦非誠意。若所除之人得入。彼則自以爲功。若不得入。與師致討。彼復潛相交結。按兵玩寇。進退獲利。而勞費之病。咸歸國家。且今江淮大水。公私困竭。軍旅之事。恐未可輕議也。中尉吐突承瓘欲奪垕權。自請將兵討之。時昭義節度使盧從史遭父喪。朝廷久未起復。遭喪在軍不解職。亦未奉命起復。從史懼。因承瓘進說。請以本軍討承宗。詔起復金吾大將軍。

吐蕃請和許之。

六月。以范希朝爲河東節度使。

朝議以沙陀在靈武。迫近吐蕃。慮其反覆。命悉從希朝。

詣河東。希朝選其驍騎。號沙陀軍。處其餘衆於定襄川。

唐定襄縣之川也。在今大同府人同縣西北。於是朱邪執宜始保神武川。後魏

故神武郡之川也。在今寧武府神池縣東北。之黃花堆。在今大同府山陰縣北。一名黃瓜堆。

毀安國寺碑樓

吐突承瓘領功德使。盛修安國寺。奉立聖德碑。先構樓。

請勅學士撰文。欲以萬緡酬之。上命李絳爲之。絳言。堯

舜禹湯。未嘗立碑。自言聖德。惟秦始皇刻石。高自稱述。

未審陛下欲何所法。且敘修寺之美。豈所以光聖德邪。

上命曳倒碑樓。承瓘言樓大不可曳。請徐毀拆。上厲聲

曰。多用牛曳之。承瓘乃不敢言。凡用百牛曳之。乃倒。

東漢以來風教不古獨重舉主之誼以致門生故吏圖報私恩視國事如弁髦甚乖公爾忘私之義楊憑以貪偽為中丞彈劾豈復足堪縣尉之選舉措已屬乖方徐晦受其知獎平日不聞規誡之效臨時徒藉一送自博名高猶然大言不慚無所忌憚他日黨卒怨李致覆餗而不恤非此等不知政體者嗜之厲歟

從批歷石正金龍覽

秋七月貶楊憑

字虛受弘農人

為臨賀

漢縣今廣西平樂府賀縣是

尉

中丞李夷簡

字易之鄭王元懿四世孫

彈京兆尹楊憑貪污僭侈貶

臨賀尉憑親友無敢送者櫟陽尉徐晦獨至藍田與別

權德輿

字載之丹徒人

謂之曰君送楊臨賀誠為厚矣無乃為

累乎對曰晦自布衣蒙楊君知獎今日遠謫豈得不與

之別借如明公他日為讒人所逐晦敢自同路人乎德

輿嗟歎稱之于朝後數日李夷簡奏晦為監察御史謂

之曰君不負楊臨賀肯負國乎

九月王承宗表獻德棣二州詔以承宗為成德節度使薛

昌朝

嵩之子

為保信軍節度使領德棣二州承宗襲昌朝執

之以歸

上審問諸學士曰。今欲用王承宗爲成德留後。割其德棣二州。更爲一鎮。使輸二稅。請官吏何如。李絳等對曰。德棣隸成德已久。一旦割之。恐其憂疑。怨望復爲隣道。構扇萬一旅拒。倍難處置。不若使弔祭使以其私諭承宗。令其表請。幸而聽命。於理固順。若其不聽。體亦無損。上又問。今劉濟田季安皆病。若其物故。又如成德。天下何時當平。議者皆言。宜乘此際代之。不受。則發兵討之。何如。對曰。羣臣見取蜀取吳。易于反掌。故諂躁之徒。爭獻策畫。勸開河北。陛下亦以前日成功之易。而信其言。臣竊以爲河北之勢。與二方異。何則。西川浙西皆非反側之地。其四隣皆國家臂指之臣。劉闢李錡獨生狂謀。大軍一臨。則渙然離耳。河北則不然。其將士百姓懷其累代煦嫗之恩。不知君臣逆順之理。隣道各爲子孫之謀。亦慮他日及此。萬一或相表裏。兵連禍結。戎狄乘間。其爲憂患。可勝道哉。濟及季安物故之際。若有隙可乘。當臨事圖之。于今用兵。則恐未可。太平之業。非朝夕可致。願陛下審處之時。吳少誠病甚。絳等因言少誠病必

不起。淮西四旁皆國家州縣。不與賊通。朝廷命帥。今正其時。萬一不從。可議征討。故臣願捨恒冀難致之策。就申蔡易成之謀。脫或恒冀連兵。事未如意。蔡州有釁。勢可興師。南北俱興。財用不贍。儻事不得已。須赦承宗。則恩威兩廢。不既而承宗以未得朝命。頗懼。累表自訴。上遣京兆少尹裴武宣慰。承宗受詔甚恭。請獻德棣二州。武復命。以承宗為成德軍節度。德州刺史薛昌朝為保信軍節度。領德棣二州。昌朝王氏壻。故就用之。田季安使謂承宗曰。昌朝陰與朝廷通。故受節鉞。承宗襲執昌朝。囚之。以上裴武為欺罔。又有譖之者曰。武使還。先宿裴瑒家。明日乃入見。上怒甚。欲貶之。李絳曰。武昔陷李懷光軍中。守節不屈。豈容今日遽為姦回。蓋承宗始懼朝廷誅討。故請獻二州。而隣道不欲其然。計必有陰行間說。使不得守其初心者。非武之罪也。况瑒武久處朝廷。諳練事體。豈有使未復命。而先宿宰相家乎。此殆譖人中傷之言。願陛下察之。上遂不問。

以許孟容

字公範長安人。爲京兆尹。

左神策軍吏李昱貸長安富人錢不償。孟容收捕械繫立期使償。曰。期滿不足當死。中尉訴于上。上遣中使宣旨送本軍。孟容曰。臣不奉詔當死。然臣爲陛下尹京畿。非抑制豪彊。何以肅清輦下。錢未償。李昱不可得。上嘉其剛直而許之。京城震慄。

冬十月。削奪王承宗官爵。發兵討之。以吐突承璀爲招討處置等使。

以郭李爲將而九節度之師潰于相州。則中使掣肘之明驗。乃覆轍不戒。復以承璀踵之。觀杜黃裳請撤監軍而崇文得成其功。裴

上遣中使諭王承宗。使遣薛昌朝還鎮。承宗不奉詔。制削奪其官爵。以吐突承璀爲神策河中等道行營兵馬使。諸軍招討處置等使。翰林學士白居易上疏諫。畧曰。國家

度奏罷中使監陳而懇與
光顏得奮其勇可為千古
烟鑒

御批歷代通鑑輯覽 卷之五十一

征伐當責成將帥近歲始以中使為監軍已非令典自古及今未有徵天下之兵專令中使統領者也今神策不置行營節度使則承璀乃制將又統諸軍招討使則都統也臣恐四方聞之必輕朝廷四夷聞之必笑中國陛下忍令後代相傳云以中官為制將都統自陛下始乎又恐諸道恥受指麾心既不齊功何由立且軍國權柄動關理亂朝廷制度出自祖宗陛下寧忍徇彼之欲而自隳法制以損聖朝乎

度支使李元

素鹽鐵使李鄜京兆尹許孟容御史中丞李夷簡給事

中呂元膺字景夫鄆州東平人穆質懷州河內人右補闕獨孤郁亦極

言其不可上不得已削承璀四道兵馬使改處置為宣

慰而已李絳嘗極言宦官驕橫侵害政事讒毀忠良上曰此屬安敢為讒就使為之朕亦不聽絳曰此

屬大抵不知仁義下分枉直惟利是嗜得賂則譽踴蹻為廉良拂意則毀龔黃為貪暴惟用傾巧之智搆成疑似之端朝夕左右浸潤以入之陛下必有時而信之矣自古宦官敗國者備載方冊陛下豈得不防其漸乎上

不能
用。

十一月吳少誠死。牙將吳少陽。滄州清池人。自爲彰義軍留後。

初少誠寵其大將吳少陽。名以從弟。出入如至親。少誠病。少陽殺其子。自攝副使。知軍州事。及少誠死。少陽遂

自爲留後。上以河朔方用兵。不能討少陽。明年三月。遂

以少陽爲淮西留後。尋授節度使。

庚寅五年春正月。吐突承璀討王承宗。戰不利。

先是幽州牙將譚忠。絳人。使于魏。時田季安方與其徒

謀出兵以拒吐突承璀。忠聞之。往說季安。季安聞吐突

宗聚其徒曰。師不跨河二十五年矣。今一旦越魏伐趙。

趙虜。魏亦虜矣。爲之奈何。其將有超伍而言者曰。願借

騎五千以除君憂。季安欲從之。忠知其謀。入謂季安曰。

如某之計。是引天下之兵也。往年王師取蜀。取吳。算不

一失。是皆相臣之謀。今王師越魏伐趙。不使耆臣宿將

而專付中臣。不輸天下之甲。而多出秦甲。君知誰爲之

謀此乃天子自爲之謀欲將夸服于臣下也若師未叩
趙而先碎于魏是上之謀反不如下能不恥且怒乎既
恥且怒必任智士畫長策仗猛將練精兵畢力再舉鑑
前之敗必不越魏而伐趙校罪輕重必不先趙而後魏
矣季安曰然則若之何忠曰王師入魏君厚犒之而悉
甲壓境號曰伐趙陰遣趙書使解陣障遺魏一城特以
秦捷則魏之季安善其言遂與趙陰計得其堂陽漢縣
霸基安矣故城在今冀州武邑縣已而忠歸幽州復激劉濟使伐趙濟合諸將曰天
子知我怨趙今必命我伐之趙亦必大備我伐與不伐
孰利忠曰是必皆將無之濟怒曰我與承宗反乎命繫
忠獄使人視成德之境果不爲備而詔至亦止令濟護
北邊濟乃召忠問何以知之忠曰盧從史外親燕內實
忌之外絕趙內實與之此爲趙畫曰燕以趙爲障雖怨
趙必不殘趙不必爲備一示趙不敢抗燕二使燕獲疑
天子此忠所以知天子之不使君伐趙而趙之不備燕
也濟曰今則奈何忠曰天子伐趙君坐燕之甲不濟易
水使燕人得以藉口是燕貯忠義之心卒染私趙之謗
不見德于趙人惡聲徒嘈嘈于天下耳唯君熟思之濟
曰吾知時諸軍皆未進濟下令軍中曰五日畢出後者
之矣

醢以徇。乃自將兵七萬獨出擊趙拔饒陽東鹿。注俱見前于

是諸軍皆會于定州。及是承瓘至行營。威令不振。與承

宗戰。屢敗。大將軍鄺定進戰死。軍中奪氣。河北用兵久無功。會上以

吳少陽為淮西留後。白居易言。河北本不當用兵。今承瓘未嘗苦戰。已失大將。遷延進退。久未有功。師道平安。

元不可保。察其情狀。似相計會。各收一縣。遂不進軍。觀此事勢。速須罷兵。若復遲延。所費滋多。且河北諸將。見

吳少陽已受制命。必引事例。輕重請雪。承宗章表繼來。義無不許。如此。則是與奪皆由隣道。恩信不出朝廷。此

臣所為陛下痛惜者也。況今天時已熱。兵氣相蒸。饑渴疲勞。疾疫暴露。一有奔潰。諸軍必搖。西戎北虜。承虛入

寇。兵連禍生。何事不有。萬一及此。實關安危。此臣所為陛下深憂者也。不聽。

貶元稹為江陵士曹。

河南尹房式有不法事。東臺監察御史元稹奏攝之。擅

令停務。朝廷以為不可。罰俸召還。至敷水驛。在今同州府華陰縣

古有強橫不加罪愆。朝官受辱轉見貶黜。可謂倒行逆施。胡貲惟以意。豈不能長育人才。致微之一經折。淫不克固守。為惜亦不揣。本而濟末矣。

卷之五十一

五

西。有內侍後至。破驛門入。擊稹傷面。上復引稹前過。貶之。李絳。崔羣。字敦詩。武城人。言稹無罪。白居易言。中使陵辱朝士。中使不問而稹先貶。恐自今中使出外。益暴橫。人無敢言者。又稹為御史。多所舉奏。不避權勢。切齒者眾。恐自今無人肯為陛下當官執法。有大姦猾。陛下無從得知。上不聽。

吐突承瓘誘盧從史。執送京師。以烏重允。字保君。承瓘之子。為河陽節度使。

盧從史陰與王承宗通謀。上甚患之。會從史遣牙將王翊元入奏事。裴垍引與語。為言君臣之義。微動其心。翊元遂輸誠。言從史陰謀。及可取之狀。垍令翊元還本軍。

經營。遂得其都知兵馬使烏重允欸要。垧言于上曰。從史必爲亂。今與承瓘對營而不設備。失今不取。後雖興大兵。未可以歲月平也。上許之。承瓘乃召從史入營與博。伏壯士擒縛之。馳詣京師。昭義士卒聞之。皆甲以出。重允當軍門叱之曰。天子有詔。從者賞。違者斬。遂皆散。上嘉重允功。欲卽以爲昭義帥。李絳以爲不可。乃以重允鎮河陽。而徙河陽節度使孟元陽鎮昭義。貶從史驩州司馬。

秋七月。制雪王承宗。復其官爵。加劉濟中書令。

王承宗遣使自陳。爲盧從史所離間。乞輸貢賦。請官吏許其自新。李師道等亦數上表請雪之。白居易復奏罷

御批歷代通鑑輯覽
卷之二十一

聖

兵。于是制先雪承宗。復以德棣二州與之。悉罷諸道行營。加劉濟中書令。

瀛州刺史劉總弒其父濟及其兄緄。

濟之討王承宗也。長子緄爲副大使。掌留務。

河北三鎮相承各置

副大使。以嫡長爲之。濟軍瀛州。次子總爲刺史。濟有疾。

父沒。則代領軍務。總與判官張圯謀。使人從長安來。曰。朝廷以相公逗留。

無功。已除副大使爲節度使矣。濟怒。追緄詣行營。總因

進毒殺濟。緄至。又殺之。遂領軍務。

九月。罷吐突承璀爲軍器使。

裴垍言于上曰。承璀首唱用兵。疲弊天下。卒無成功。陛下縱以舊恩。不加顯戮。豈得全不貶黜。以謝天下乎。李

絳奏曰。陛下不責承瓘。他日復有敗軍之將。何以處之。若誅之。則同罪異罰。彼必不服。若釋之。則誰不保身而玩寇乎。上卽罷承瓘中尉。中外相賀。

以權德輿同平章事。

上問宰相爲政寬猛何先。權德輿對曰。秦以慘刻而亡。漢以寬大而興。先後可見矣。上善其言。

冬十月。以任廸簡爲義武節度使。張茂昭爲河中節度使。義武節度使張茂昭請除代。河北諸鎮互遣人說止之。不從。凡四上表。上乃許之。以任廸簡爲義武行軍司馬。茂昭悉以簿書管鑰授之。遣其妻子先行。曰。吾不欲子孫染于汚俗。茂昭旣去。都虞候楊伯玉。張佐元相繼作。

亂將士共殺之。奉廸簡主軍務。時府庫罄竭。閭閻亦空。廸簡無以犒士。乃設糲飯與士卒共食之。居戟門下經月。士卒感之。共請還府。然後得安。上聞之。命以綾絹十萬賜易定。將士授廸簡節鉞。徙茂昭鎮河中。

十一月。以王鐔爲河東節度使。

上左右受鐔厚賂。多稱譽之。上命鐔兼平章事。李藩固執以爲不可。權德輿曰。宰相非序進之官。今鐔旣無忠勲。朝廷又非不得已。何爲遽以此名假之上。乃止。鐔有吏本。工于完聚。范希朝以河東全軍出屯河北。耗散甚衆。鐔到鎮之初。兵不滿三萬人。馬不過六百匹。歲餘。兵至五萬人。馬有五千匹。器械精利。倉庫充實。又進家財三十萬緡。上復欲加鐔平章事。李絳諫曰。鐔在太原。雖頗著績效。今因獻家財而命之。若後世何。乃止。

裴垪罷爲兵部尚書

垪得風疾。上甚悼惜之。

十二月。以李絳爲中書舍人。

上每有軍國大事。必與諸學士謀之。嘗踰月不見學士。

絳等上言。臣等飽食不言。其爲自計則得矣。如陛下何。

陛下詢訪理道。開納直言。實天下之幸。非臣等之幸也。

上遂召對。

白居易因論事言陛下錯上色莊而罷。密召絳謂曰。居易小臣不遜。須令出院。絳曰。陛下

容納直言。故羣臣敢竭誠無隱。居易言雖少思。志在納

忠。陛下今日罪之。臣恐天下各思箝口。非所以廣聰明。

昭聖德也。上悅。

上嘗欲近獵苑中。至蓬萊池西。謂左右

待居易如初。

曰。李絳必諫。不如且止。絳嘗面陳吐突。承瓘專橫。極

懇切。上作色曰。卿言太過。絳泣曰。陛下置臣于腹心耳。

目之地。若臣畏避左右。愛身不言。是臣負陛下。言之而陛下惡聞。乃陛下負臣也。上怒解曰。卿所言。皆人所不能言。真忠臣也。他日盡言。皆應如是。遂以爲中書舍人。絳嘗從容諫。上聚財。上曰。今政令不及兩河。河湟淪于左衽。朕日夜思雪祖宗之耻。而財力不贍。故不得不蓄聚耳。不然。朕宮中用度儉薄。多藏何用邪。

辛卯六年春正月。以李吉甫同平章事。

吉甫自淮南召還。復以前官秉政。上尊任之。

二月。李藩罷爲太子詹事。

李吉甫復相。藩頗沮止。會詔授吳少陽淮西節度。吉甫既見上。潛欲中藩。即奏曰。道逢中使假印節與吳少陽。臣爲陛下恨之上。色變翼日罷藩爲太子詹事。上嘗與宰相語。

及神仙李善對曰。秦始至漢武帝。學仙之效。具在前史。太宗服天竺僧長年藥致疾。此古今之明戒也。陛下春秋鼎盛。勵志太平。宜拒絕方士之說。苟道盛德充。人安國理。何憂無堯舜之壽乎。

以李絳爲戶部侍郎。

宦官惡李絳在翰林。以爲戶部侍郎。判本司。上問絳。故事。戶部皆進羨餘。卿獨無進。何也。對曰。守土之官。厚斂于人。以市私恩。天下猶共非之。況戶部所掌。皆陛下府庫之物。給納有籍。安得羨餘。若自左藏輸之內藏。以爲進奉。是猶東庫移之西庫。臣不敢踵此弊也。上喜其直。益重之。

夏四月。以盧坦判度支。

或告泗州刺史薛謩。有異馬。不以獻。事下度支。使巡宮

往驗未返。上遲之。使品官內侍省官劉泰昕按其事。盧坦曰。

陛下既使有司驗之。又使品官繼往。豈大臣不足信于品官乎。臣請先就黜免。上乃召泰昕還。

五月。以李惟簡范陽人爲鳳翔節度使。

隴州地與吐蕃接。舊常更入攻抄。人不得息。惟簡以爲邊將當謹守備。蓄財穀以待寇。不當規小利起事。益市耕牛鑄農器。以給農之不能自具者。增墾田數十萬畝。屬歲豐稔。公私有餘。販者流及他方。

六月。詔有司省吏員。併州縣。減仕塗。均俸給。

李吉甫奏。中原宿兵。見在八十餘萬。商賈僧道。不服田畝者。佔有五六。是常以三分勞筋苦骨之人。奉七分待。

復復是義在列國分爭時
法紀不立仇讐相尋不得
不激爲此論若承平之世

衣坐食之輩也。今內外官以稅錢給俸者不下萬員。天下或以一縣之地而爲州。一鄉之民而爲縣者甚衆。舊制一品月俸三十緡。職田祿米不過千斛。艱難以來。增置使額。厚給俸錢。大歷中。權臣月至九千緡。州無大小。刺史皆千緡。常袞始立限約。李泌稍復增加。然有名存職廢。或額去俸存。閒劇之間。厚薄頓異。請敕有司請定省吏員。併州縣。減入仕之塗。定俸給之數。于是詔段平仲。字秉庸。武威人。韋貫之。許孟容。李絳同詳定。省併八百八員。諸色流外千七百餘人。

秋九月。梁悅報讐殺人。杖而流之。

富平

此唐所置富平縣也。今屬西安府。漢故縣。在今寧夏府靈州。

人梁悅報父讐殺

以里閭細民悍然自抗王
章豈可爲訓韓愈所議判
律之經議爲兩端其流弊
適足爲奸民藉口耳向嘗
明著其說讀史者不可不
知

秦杲自詣縣請罪。敕復讐。據禮經則義不同天。徵法令
則殺人者死。宜令都省集議聞奏。職方員外郎韓愈議
曰。律無復讐之條。非闕文也。蓋不許則傷孝子之心。而
乖先王之訓。許之則人將依法專殺。而無以禁止其端。
故聖人丁寧其義于經。而深沒其文于律。其意將使法
吏一斷于法。而經術之士得引經而議也。宜定其制曰。
凡復父讐者。事發具事申尚書省集議奏聞。酌其宜而
處之。則經律無失其指矣。于是杖悅一百流循州。隋置
今廣東惠州府是。

冬十一月弓箭庫使劉希光伏誅。以吐突承瓘爲淮南監
軍。

憲宗以監軍爲罪人示貶之職。爲罰不蔽辜。且猶自矜爲能。斷則其平昔中于闇豎之蠱惑深矣。李絳尚稱能直言。正者所對。亦若得之望外。其視孔戣。顯効奸邪。轉遜一等矣。

希光受羽林大將軍孫璿錢二萬緡。爲求方鎮。事覺。賜死。事連知內侍省事吐突承璀。出爲淮南監軍。上問李絳。朕出承璀何如。對曰。外人不意陛下遽能如是。上曰。此家奴耳。曷以其驅使之。人故假以私恩。若有違犯。朕去之輕如一毛耳。試太子通事舍人李涉。知上于承璀恩顧未衰。乃投匭上疏。稱承璀有功。希光無罪。知輒使孔戣見其副章。詰責不受。上疏極言涉姦險欺天。請加顯戮。詔貶涉峽州司倉。李涉勸之兄孔戣。字君嚴。巢父從子。峽州。注見前。

十二月以李絳同平章事。

李吉甫復相。多修舊怨。上頗知之。故擢絳爲相。吉甫善迎逢上意。而絳鯁直。數爭論于上前。上多直絳而從其言。由是二人有隙。上御延英。吉甫言天下已太平。陛下宜爲樂。絳曰。漢文帝時。兵木無刃。家

給人足。賈誼猶以爲厝火積薪之下。不可謂安。今法令所不能制者。河南北五十餘州。犬戎腥羶。近接涇隴。烽火屢驚。加之水旱時作。倉庫空虛。此正陛下宵衣旰食之時。豈得謂之太平。遽爲樂哉。上欣然曰。卿言正合朕意。退謂左右曰。吉甫專爲悅媚。如李絳真宰相也。上嘗問貞元中政事不理。何乃至此。吉甫對曰。德宗自任聖智。不信宰相。使姦臣得乘間弄威福故也。上曰。然。此亦未必皆德宗之過。朕幼在德宗左右。見事有得失。當時宰相亦未有再三執奏者。今日豈得專歸咎于德宗邪。卿輩宜用此爲戒。事有非是。當力陳不已。勿畏朕譴責而遽止也。吉甫嘗言人臣不當彊諫。使君悅臣安。不亦美乎。李絳曰。人臣當犯顏苦口。指陳得失。若陷君于惡。豈得爲忠。上曰。絳言是也。吉甫至中書。卧不視事。長吁而已。李絳或久不諫。上輒謂之曰。豈朕不能容受邪。將無事可諫也。吉甫又嘗言于上曰。賞罰。人主之二柄。不可偏廢。今惠澤已深。而威刑未振。中外解悔。願加嚴以振之。上顧李絳曰。何如。對曰。王者之政。尚德不尚刑。豈可捨成康文景。而效秦始皇父子者乎。上曰。然。後旬餘。于頔入對。亦勸上峻刑。上謂宰相曰。于頔大是姦臣。勸朕峻刑。卿知其意乎。皆對曰。不知也。上曰。此欲使朕失人心耳。吉甫失色。退而抑首不言。笑竟曰。

太子寧卒。

大稔。

是歲天下大稔。米斗有值二錢者。

壬辰七年春正月。以元義方爲鄜坊觀察使。

義方媚事吐突承璀。李吉甫欲自托于承璀。擢義方爲京兆尹。李絳惡而出之。義方入謝。因言絳私其同年許季同以爲京兆少尹。故出臣鄜坊。專作威福。明日。上以詰絳曰。人于同年。固有情乎。對曰。同年乃四海九州之人。偶同科第。情于何有。且陛下不以臣愚備位宰相。宰相職在量才授任。若其人果才。雖在兄弟子姪之中。猶將用之。况同年乎。避嫌而棄才。是乃便身。非徇公也。上

曰善。遂趣義方之官。

夏四月。以崔羣爲中書舍人。

上嘉翰林學士崔羣謹直。命學士自今奏事。必取羣連署。然後進之。羣曰。翰林舉動。皆爲故事。必如是。後來萬一有阿媚之人。爲之長。則下位直言無從而進矣。遂不奉詔。

五月。詔蠲淮浙租賦。

上謂宰相曰。卿輩屢言淮浙去歲水旱。近有御史自彼還。言不至爲災。事竟何如。李絳對曰。臣按淮浙諸道奏狀。皆云水旱。人流。求設法招撫。其意似恐朝廷罪之者。豈肯無災而妄言災邪。此蓋御史欲爲姦諛。以悅上意。

耳。願得其主名。按致其法。上曰卿言是也。國以人爲本。聞有災。當亟救之。豈可復疑之邪。因命速蠲其稅。上嘗與宰相論治道于延英殿。日旰晷甚。汗透御服。宰相求退。上留之曰。朕入禁中。所與處者。獨宮人宦官耳。故樂與卿等且共談爲理之要。殊不知倦也。

秋七月。立遂王恒爲皇太子。卽穆宗。

八月。魏博節度使田季安卒。

季安病。軍政廢亂。夫人元氏立其子懷諫爲副大使。知

軍務。召牙內兵馬使田興。字安道。廷玠之子。爲都知兵馬使。與

勇力。頗讀書。性恭遜。季安淫虐。與數規諫。季安以爲收衆心。欲殺不果。未幾。季安卒。上與宰相

議魏博事。李吉甫請興兵討之。李絳曰。魏博不必用兵。當自歸朝廷。上意以吉甫議爲然。絳曰。懷諫乳臭子。不能自聽斷。軍府大權。必有所歸。諸將不服。怨怒必起。田氏不爲屠肆。則悉爲俘囚。何足煩天兵哉。然彼自刻將

起代主帥。鄰道之所深惡。不倚朝廷之援。則無以自存。故臣以爲不必用兵。可坐待魏博之自歸也。上曰善。

冬十月。魏博兵馬使田興請吏奉貢。詔以興爲節度使。尋賜

名弘正。

田懷諫幼弱。軍政皆決于家僮蔣士則。數以愛憎移易諸將。衆皆憤怒。朝命久不至。軍中不安。田興晨入府。士卒大譟環拜。請爲留後。興驚仆久之。起謂衆曰。汝肯聽吾言。勿犯副大使。守朝廷法令。申版籍。請官吏。然後可。皆曰諾。興乃殺蔣士則等十餘人。遷懷諫于外。自田承嗣據魏博至懷諫凡四世。四十九年。監軍以聞。上亟召李絳曰。卿揣魏博若符契。吉甫請遣中使宣慰。以觀其變。絳曰。今田興奉其土地。兵衆坐待詔命。不乘此際推心撫納。必待勅使至。

彼持將士表來。然後與之。則是恩出于下。而其感戴之心。非今日比矣。上欲且除留後絳。曰。田興恭順如此。自非恩出不次。無以深慰其心。上從之。除興節度使。制命至魏州。興感恩流涕。士衆鼓舞。

十一月。遣知制誥裴度

字中立。聞喜人。

宣慰魏博。

李絳言。魏博五十餘年。不霑皇化。一旦來歸。不有重賞。過其所望。則無以慰士卒之心。使四鄰勸慕。請發內庫錢百五十萬緡以賜之。宦官以爲太多。上以語絳。絳曰。田興不貪專地之利。不顧四鄰之患。歸命聖朝。陛下奈何愛小費而遺大計。不以收一道人心。錢用盡更來。機事一失。不可復追。借使國家發十五萬兵以取六州。期

年而克之。其費豈止如此而已乎。上悅。曰。朕所以惡衣菲食。蓄聚貨財。正欲爲平定四方。不然。徒貯之府庫。何爲。十一月。遣知制誥裴度宣慰魏博。頒賞軍士。六州百姓給復一年。軍士受賜歡聲如雷。成德。克鄆。使者數輩見之。相顧失色。歎曰。徇強者果何益乎。度爲與陳君臣上下之義。興聽之。終夕不倦。請度徧行所部。宣布朝命。又奏所部缺官。請有司注擬。奉法令。輸稅賦。室屋僭侈者。皆避不居。鄆蔡恒遣遊客間說多方。與終不聽。李師道使人謂韓弘曰。我世與田氏約相保援。今與非其族。又首變。兩河事亦公之所惡也。我與成德合軍討之。弘曰。我不知利害。知奉詔行事耳。若兵北渡河。我則以兵東取曹州。師道懼不敢動。

置振武

乾元初。置振武軍。領麟。勝二州。地在今陝西葭州神水縣。

天德。注見前。營田。

李絳奏振武天德左右良田可萬頃。請擇能吏開置營田。可以省費足食。上從之。命度支使盧坦經度。四年之間。開田四千八百頃。收穀四千餘萬斛。歲省度支錢二千餘萬緡。

吐蕃寇涇州。

吐蕃數入寇。上患之。李絳言。京西京北。始置神策鎮兵。欲以備禦吐蕃。使與節度使犄角相應。今則鮮衣美食。坐耗縣官。每有寇至。節度使邀與俱進。則云申取中尉處分。比及得報。虜去遠矣。縱有果銳之將。聞命奔赴。節度使無刑戮以相制。相視如平交。左右前却。莫肯用命。請據所在之地。割隸本鎮。使號令齊一。則軍威大振。虜

不敢入寇矣。上曰。不知舊事如此。當亟行之。旣而神策軍驕恣日久。不樂隸節度使。竟爲宦官所沮而止。

御批歷代通鑑輯覽卷之六十

唐

憲宗皇帝

癸巳

元和八年春正月權德輿罷

李吉甫李絳數爭論于上前德輿居中無所可否上鄙之故罷

貶于頔爲恩王

名連代傳

初頔在山南憚上英威爲子季友求尙主上以普寧公主妻之因諷使入朝

德宗時加同平章事及是復加司空奉朝請

旣而頔以

久留長安鬱鬱不得志有梁正言者自言與樞密使梁守謙同宗頔使其子敏賂之求出鎮久之正言詐漸露

敏索還其賂不得。誘其奴支解之事。覺頓素服詣闕請

罪。左授恩王傅。絕朝謁。敏流雷州。

唐置今廣東雷州府是。

李友等

皆貶官。

事連僧鑒虛。鑒虛自貞元以來。以財交權倖。受方鎮賂遺。厚自奉養。吏不敢詰。至是。權倖爭爲

之言。上欲釋之。中丞薛存誠不可。上遣中使詣臺宣旨。有誠對曰。陛下必欲釋此僧。請先殺臣。不然。臣不奉詔。

上嘉而從之。杖殺鑒虛。薛存誠字資明。寶鼎人。

徵四川節度使武元衡入知政事。

夏六月大水。

上以爲陰盈之象。出宮人二百車。

徙受降城。

此中受降城也。注見前。

于天德軍。

元和志。天德軍。本安北都護舊理。西受降城。天

寶中。于大同川西築城。名曰天安軍。移理焉。乾元後。改爲天德軍。西南移永清柵。至元和八年。復移軍于大同川之

舊城。

兵籍軍裝有名無實憲宗
平時漫不知檢聞絳言而
始驚會絳罷而即止邊防
按閱視相臣去留何以爲
政然元和方有事詰戎不
宜簡率若此疑記載者不
無舛辭

先是振武

注見前集覽是條釋振武爲雁門考雁門卽今代州唐書地理志代州有神武軍非振武

也集覽誤

河湓毀受降城節度使李光進奏請修城兼理河

防李吉甫請徙于天德故城

東南去中受降城二百里

以避河患李

絳盧坦以爲受降城張仁愿所築當磧口據虜衝要美

水草守邊之利也欲避河患退二三里可矣天德故城

僻處确瘠烽候不相應接虜忽唐笑勢無由知是無故

而蹙國二百里也城使周懷義奏利害與絳坦同上卒

用吉甫策

時以受降城騎士并隸天德軍李絳言于上曰邊兵徒有其數而無其實將帥但緣私役

使聚其財貨以結權倖而已未嘗訓練以備不虞此不

可不于無事之時豫留聖意也受降兵籍舊四百人及

天德交兵纔五十人器械一弓而已故絳言及之上驚曰邊兵乃如是其虛邪卿曹當加按閱會絳罷相而止

秋九月吐蕃作烏蘭橋

在今鞏昌府靖遠縣西南烏蘭關外唐于此置烏蘭縣後没于吐蕃

初吐蕃欲作烏蘭橋先貯材于河側

祖厲河之側也祖厲音嗟賴河在靖

遠縣西南北

朔方常潛遣人投之于河終不能成虜知

節度王泌貪先厚賂之然後併力成橋仍築月城守之

自是朔方禦寇不暇

甲午九年春正月李絳罷

絳屢以疾辭位至是罷為禮部尚書

初上嘗謂宰相曰卿輩當為朕惜官

勿用之私親故李吉甫權德輿皆謝不取絳曰崔祐甫有言非親非故不諳其才諳者尚不與官不諳者何敢

復與但問其才器與官相稱否耳若避親故之嫌使聖朝虧多士之美此乃偷安之臣非至公之道也苟所用

非其人則朝廷自有典刑誰敢逃之上以為然又嘗問絳人言外間朋黨太甚何也絳對曰自古人君所甚惡

者莫若朋黨故小人諂君子者必曰朋黨蓋言之則可惡尋之則無跡以此目之則天下之賢人君子無能免

者此東漢之所以亡也願陛下深察之夫君子固與君子合豈可必使之與小人合然後謂之非黨邪

以吐突承璀為神策中尉

初上欲相李絳先出吐突承璀為淮南監軍至是絳既

罷召還承璀復以為左神策中尉

夏五月復置宥州

在今鄂爾多斯右翼前旗有新舊二州俱唐置元和志廢宥州在鹽州東北三百里開元二十六年置寶應後廢新宥州在廢宥州東北三百里元和九年置

李吉甫奏開元中置宥州以領降戶寶應以來因循遂

廢今請復之以備回鶻撫党項上從之

先是回鶻屢請

昏朝廷以費廣

未許李絳言回鶻凶彊不可無備淮西窮蹙事更經營

萬一北邊有警則非步騎數萬不足抗禦而淮西遺醜

復延歲月之命為國家費豈特降主之比哉上不聽

六月以張弘靖

字元理延賞子同平章事

弘靖宰相子少有令名歷官河中節度使及是遂入相

自張嘉貞及延賞弘靖三世爲相。時號其里第曰三相張家。

秋七月以岐陽公主適司議郎杜棕。字永裕。佐之孫。

翰林學士獨孤郁。權德輿之壻也。上嘆郁之才美。曰德

輿得壻郁。我反不及邪。先是。尙主皆取勲戚之家。上始

命宰相選公卿子弟可居清貫。猶言清職。者。諸家皆不願。惟

杜佑孫棕不辭。遂以棕尙岐陽公主。公主上長女郭妃

暖之女。所生。有賢行。杜氏大族。尊行不翅數十人。公主卑

委怡順。一同家人禮度。二十餘年。人未嘗以絲髮間指

爲貴驕。始至。與棕謀曰。上所賜奴婢。卒不肯窮屈。奏請

納之。悉自市寒賤可制指者。自是閨門落然。不聞人聲。

閏月吳少陽死。

少陽在蔡州。陰聚亡命。抄掠壽州茶山。壽州與六安霍山接界。山多產

茶。以實其軍。至是死。其子元濟匿喪。自領軍務。初少陽

陵名。請為賓友。武陵不答。至是以書喻元濟曰。人情一也。足下反天子。即曲亦欲反足下。易地而處。則情可知矣。先是少陽判官蘇兆。楊元卿大將侯惟清。皆勸少陽

入朝。及是。元濟殺兆。囚惟清。元卿先奏事在長安。具以淮西虛實及取元濟之策告李吉甫。元濟殺其妻子。而

以董重質為謀主。李吉甫言于上曰。淮西非如河北。四無黨援。而國家常宿數十萬兵以備之。勞費不支。失今

不取。後難圖矣。上將討之。張弘靖請先為少陽輟朝贈官。遣使弔贈。待其有不順之迹。然後加兵。上從之。遣工

部員外郎李君何弔祭。不得入。而還。吳武陵。信州人。董重質。吳

少誠之壻。

以烏重允為汝州刺史。

李吉甫以為汝州捍蔽東都。而河陽宿兵。本以制魏博。

今田弘正歸順。則河陽為內鎮。不應屯重兵以示猜阻。

不才居不才館書
行抄歷不才館書
卷之六十一

四三

以烏重允兼汝州刺史使徙鎮之加弘正檢校右僕射
賜其軍錢二十萬緡弘正曰吾未若移河陽軍之爲喜
也

冬十月同平章事李吉甫卒十二月以韋貫之同平章事

吉甫爲淮西地圖未及上而卒上敕其子獻之以貫之

同平章事貫之先爲禮部侍郎所取士抑浮華先實行

是宰相除安得重對曰然爲陛下東宰相者

未乙十年春正月吳元濟反制削其官爵發兵討之

吳元濟縱兵侵掠及東畿制削其官爵發十六道兵討

之時又詔鄂岳觀察使柳公純以兵五千授安州刺史

請自行許之至安州置聽都知兵馬使選卒六千屬之

戒曰行營之事一決都將聽感恩畏威如出麾下公純

禮部重于宰相這臆說而
不中事理彼蓋以爲取士
所以儲材也憲宗美其言
未幾遂以爲相可謂以言
取人而不知任賢之輕重
矣

宗元黨附叔文自取戮辱
韓愈作誌以為不自愛惜
語涉周旋若禹錫既以失
身獲譴而還朝尚罔知懲
艾肆言譏忿其罪當不止
與柳同科乃集賢金紫濫
賞屢叨守正如裴度汲汲
薦剡又何為者韓誌惜宗
元不得有力推挽應即指
是而發蓋均為文人氣類
悔習所中非正道也

隋置今州刺史。

三月以柳宗元為柳州刺史。劉禹錫為連州

刺史。宗元為柳州刺史。唐置今廣西柳州府是。刺史。劉禹錫為連州

王叔文之黨。十年不量移。執政有憐其才。欲漸進之者。

悉召至京師。諫官爭言其不可。上亦惡之。皆以為遠州

刺史。宗元得柳州。禹錫得播州。注見前。宗元曰。播州非人

所居。而夢得親在堂。萬無母子俱往理。欲請于朝。以柳

易播。中丞裴度亦以禹錫母老為上言。上曰。為人子。不

自謹。貽親憂。此則重可責也。度曰。陛下方侍太后。恐禹

錫在所宜矜。上良久乃曰。朕所言以責為子者耳。然不

欲傷其親心。退謂左右曰。裴度愛我終切。禹錫得改連

州。

宗元善爲文。雖坐廢。名蓋一時。在柳州頗著政績。旣歿。州人懷之。廟于羅池以祀焉。禹錫自朗州還。作元

都

觀看花詩。語譏忿。當路者不喜。後入爲主客郎中。復

作

遊元都觀詩。且言始謫十年還京。師道士種桃。其盛

若

霞。又十四年過之。無復一存。唯兔葵燕麥。動搖春風

耳。

意詆權近。聞者益薄之。尋以裴度薦。爲集賢直學士。

度

罷。出爲蘇州刺史。以

政

最。賜金紫。會昌中卒。

田弘正遣其子布將兵助討淮西。

盜焚河陰轉運院。

李師道數上表請赦吳元濟。上不從。師道使大將將二

千人趨壽春。聲言助官軍。實以援元濟也。師道素養刺

客姦人數十人。說師道曰。用兵所急。莫先糧儲。今河陰

院積江淮租賦。請潛往焚之。因劫東都。焚宮闕。亦救蔡

一奇也。師道從之。遣攻河陰。轉運院燒錢帛三十餘萬緡。匹穀二萬餘斛。人情恇懼。多請罷兵。上不許。

夏五月。遣御史中丞裴度宣慰淮西行營。

諸軍討淮西。久未有功。上遣裴度詣行營宣慰。察用兵形勢。度還。言淮西必可取之狀。且曰。觀諸將惟李光顏勇而知義。必能立功。旣而光顏數敗賊軍。上以度爲知人。知制誥韓愈亦言淮西三小州。殘弊困劇之餘。而當天下之全力。其破賊可立而待。然所未可知者。在陛下斷與不斷耳。

六月。盜殺中書侍郎同平章事武元衡。擊傷裴度首。

上悉以兵事委武元衡。師道客曰。天子所以銳意誅蔡

盜殺宰相事出非常搜捕
豈容刺殺乃所司惑於賊
人詭計竟爾觀望遲疑使
非許孟容劄切進言幾欲
置之不問及下詔大索又
以主則妄告李代桃僵雖
元唐驍募山棚罪人斯得
尙欲掩飾前非不加窮治
豈足以肅法紀而申國憲

者。元衡贊之也。請密往刺之。元衡死。則他相不敢主其
謀。爭勸天子罷兵矣。師道資給遣之。王承宗亦遣牙將
尹少卿奏事。且詣中書爲元濟遊說。辭指不遜。元衡叱
出之。承宗又上書詆元衡。至是。元衡入朝。有賊自暗中
射殺之。取其顱骨而去。又擊裴度傷首。墜溝中。京城大
駭。于是詔宰相出入。加金吾騎士。張弦露刃以衛之。賊
紙于金吾府縣曰。毋急捕我。我先殺汝。故捕賊者不敢
甚急。兵部侍郎許孟容見上言。自古未有宰相橫屍路
隅。而盜不獲者。此朝廷之辱也。因涕泣。又詣中書。揮涕
言。請奏起裴中丞爲相。人索賊黨。于是詔內外搜捕。購
賞甚厚。王士則告承宗。遣卒張晏所爲。捕得鞠之。詔出
承宗表。并議其罪。晏等具服。張弘靖以爲疑。屢言之。上
不聽。誅晏等。而
師道客潛遁去。
以裴度同平章事。

由是觀之憲宗之平淮蔡
蓋幸耳非真能恢弘太宗
之業也

度病創臥二旬詔以衛兵宿其集中使問訊不絕或請
罷度官以安恒卿之心上怒曰若罷度官是姦謀得成
朝廷無復綱紀吾用度一人足破二賊遂以度為相度
言淮西心腹之疾不得不除且朝廷業已討之兩河跋
扈者將視此為高下不可中止上以為然悉以用兵事
委度討賊愈急初德宗多猜忌朝士有相過從者金吾
皆伺察以聞宰相不敢私第見客度奏
今寇盜未平宰相宜招延四方賢
才與參謀議請于私第見客許之

秋七月詔絕王承宗朝貢

八月己亥朔日食

李師道遣兵襲東都捕得伏誅

師道置留後院于東都潛內兵數百人謀焚宮闕縱兵

殺掠其小卒詣留守呂元膺告變。元膺發兵圍之。賊衆突出望山而遁。都城震駭。時留兵寡弱。元膺坐皇城門。部分指使。意氣自若。都人賴以安。東都西南皆高山深林。民不耕種。專以射獵爲生。人皆趨勇。謂之山棚。元膺設重購以捕賊。數日。有山棚遇賊。走召其儕。引官軍共圍獲之。按驗得其魁。乃中嶽寺僧圓淨。爲師道買田伊闕。陸渾山間。以舍山棚而衣食之。捕獲伏誅。圓淨本史悍過人。時年八十餘。捕者得之。奮鎚擊其脛。不能折。圓淨罵曰。鼠子折人脛。且不能。敢稱健兒。乃自置其脛。教使折之。臨刑。嘆曰。誤我事。不得使洛城流血。黨與死者凡數千人。留守將及驛卒數人皆受其職名。元膺鞫圓淨黨與。始知殺武元衡者乃師道也。元膺密以聞上。業已討王承宗。不復窮。

治。

是冬盜焚柏崖倉。又焚獻陵寢宮。永巷。明年春盜復斷建陵門戟。

九月以韓弘爲淮西諸軍都統。

初上以嚴綬在河東所遣裨將多立功故使鎮襄陽且督諸軍討淮西綬無他材能但傾府庫以資士卒賂宦官擁衆經年無尺寸功裴度屢言其軍無政乃以韓弘爲諸軍都統弘亦欲倚賊自重不願淮西速平時李光顏戰最力弘欲結之索得一美婦人容色絕世遣使遺之。光顏乃大饗將士謂使者曰戰士數萬皆棄家遠來冒犯白刃光顏何忍獨以聲色自娛悅乎因流涕坐者皆泣乃卽席厚贈使者并妓返之曰爲光顏多謝相公。光顏以身許國誓不與逆賊同戴日月死無貳矣。

丙申十一年春正月張弘靖罷。

王承宗縱兵四掠幽滄定三鎮皆苦之爭上表請討承宗。上欲許之。弘靖以爲兩役並興恐國力不支請併力平淮西。乃征恒冀。上不爲之止。弘靖乃求罷出爲河東節度使。

翰林學士錢徽

字蔚章吳興人知制誥蕭俛罷。

時羣臣請罷兵者衆上患之故黜徽俛以警其餘。

制削王承宗官爵發兵討之。

韋貫之屢請先取吳元濟後討承宗曰陛下不見建中之事乎始於討魏及齊而蔡燕趙皆應之卒致朱泚之亂由德宗不能忍數年之憤欲太平之速成故也上不

聽諸軍討王承宗者互相觀望獨昭義節度使郗士美

字和夫。兗州金鄉人。引精兵壓其境大破承宗之衆于柏鄉隋縣今屬

趙州。

二月以李逢吉

字虛舟。元道曾孫。

同平章事。

逢吉知禮部貢舉。未已事。卽拜同平章事。詔禮部尙書

王播

字明敷。揚州人。署榜。逢吉險譎多端。旣得位。務償好惡。

三月皇太后王氏崩。

諡莊憲。合葬豐陵。

夏四月以皇甫鏐

涇州臨涇人。

判度支。

鏐始以聚斂得幸。

六月唐鄧節度使高霞寓大敗于鐵城。

在今汝寧府遂平縣西南。胡三省注

卽文城柵。以其堅不可破。故謂之鐵城。

時諸將討淮西者。勝則虛張殺獲。敗則匿之。至是大敗。不可掩。始上聞。中外駭愕。宰相入見。將勸罷兵。上曰。勝負。兵家之常。今但當論用兵之畧。察將帥之不勝任者。易之。兵食不足者。助之耳。豈得以一將失利。遽議罷兵邪。于是獨用裴度之言。他人言罷兵者。亦稍息矣。

秋八月。韋貫之罷。

貫之性高簡。好甄別流品。又數請罷兵。故罷為吏部侍郎。

郎。

九月。李光顏。烏重允。拔淮西陵雲柵。

在今陳州府商水縣故激水城西南當鄆

東。城之

先是。光顏。重允。敗淮西兵于陵雲柵。及是。遂拔之。

鄆

躍馬衝導罪之細者即平民有犯子杖已足蔽辜京兆雖以肅清輦轂為任亦豈可因衝已導而遽斃軍將公綽此舉非惟草菅人命幾于弁髦王章及上怒詰猶飾辯不已是但知唐哭者之無禮而不知專擅者之更非禮也或猶以公綽為風厲真不知政衡者

加李師道檢校司空。

師道聞拔陵雲而懼。詐請輸款。上以力未能討。加檢校司空。

冬十一月。以柳公綽為京兆尹。

公綽初赴府。有神策小將躍馬衝其前導。公綽駐馬杖殺之。明日入對。上怒詰之。對曰。京兆為輦轂師表。今視事之初。而小將敢爾唐突。此乃輕陛下詔命。非獨慢臣也。臣知杖無禮之人。不知其為神策軍將也。上曰。何不奏。對曰。臣職當杖之。不當奏。上退謂左右曰。汝曹須作意此人。朕亦畏之。

加李光顏等檢校官。

討淮西諸軍近九萬。上怒諸將久無功。命梁守謙宣慰。因留監軍。先加李光顏等檢校官。而詔書切責。示以無功必罰。

十二月。以李愬

字元直。聽之兄。

爲唐鄧節度使。

先是。高霞寓兵敗坐貶。以袁滋爲彰義節度使。理唐州。

滋至州。吳元濟圍其新興柵。

宋白曰。柵在吳房縣西南。吳房故城。在今汝寧府遂

平縣

西。滋卑辭以請之。元濟由是不復以滋爲意。朝廷知

之。貶滋。以李愬代之。愬至唐州。知士卒憚戰。謂之曰。天

子知愬柔懦。故使拊循爾曹。至于戰攻進取。非吾事也。

衆始信而安之。愬親行視士卒。傷病者存恤之。不事威

嚴。或以軍政不肅爲言。愬曰。吾非不知也。袁尙書專以

恩惠懷賊。賊易之。聞吾至。必增備。吾故示之以不肅。彼必以吾爲懦而懈惰。然後可圖也。淮西人輕愬。不爲備。初置淮潁水運使。

楊子院米。自淮陰沂淮入潁。至項城。

本漢項縣。隋改項城。今屬陳州府。

入潑。輸于鄆城。以饋淮西行營。省汴運之費七萬餘緡。

丁酉十二年春二月置淮西行縣。

淮西被兵數年。竭倉廩以奉戰士。民多無食。采菱芡魚鱉鳥獸食之。亦盡。多降官軍。勅置行縣以撫之。

三月淮西文城柵。

卽鐵城。注見上。降。

李愬遣十將

軍中小校也。

馬少良將十餘騎巡邏。遇吳元濟

捉生虞候丁士良與戰擒之。士良元濟驍將。常爲東邊

患衆請剗其心。愬許之。士良無懼色。愬命釋其縛。士良請盡死以報德。愬署爲捉生將。士良言于愬曰。吳秀琳據文城柵。爲賊左臂。官軍不敢近者。有陳光洽爲之謀主也。光洽勇而輕。好自出戰。請爲公擒之。則秀琳降矣。遂擒光洽以歸。秀琳果以柵降。愬引兵入據其城。秀琳將李憲有才勇。愬更其名曰忠義而用之。于是軍氣復振。人有欲戰之志。旣而董昌齡蔡人以郾城降。元濟以郾城令。而質其母楊。楊謂昌齡曰。順死賢于逆生。汝去逆而吾死。乃孝子也。從逆而吾生。是戮吾也。會官軍進逼郾城。昌齡乃舉城降。李光顏入據之。元濟聞之甚懼。時董重質守洄曲。一名時曲。在商水縣西。元濟悉發親近及守城卒詣重質以拒官軍。昌齡授郾城令。兼監察御史。後蔡平而母在。封北平郡太君。

夏五月。罷河北行營。

六鎮討王承宗者兵十餘萬。歷二年無功。月費度支錢十五萬緡。李逢吉及朝士多言宜併力先取淮西。俟淮西平。乘勝取恒冀。如拾芥耳。上從之。罷河北行營。

李愬擒淮西將李祐。

字慶之。史不詳何所人。

愬與吳秀琳謀取蔡。秀琳曰。非得李祐不可。秀琳無能爲也。祐有勇畧。守興橋柵。

在遂平縣東南。

時帥士卒割麥于張

柴村。

在文城柵之東。

愬召廂虞候史用誠以三百騎伏林中。誘

而擒之以歸。將士爭請殺之。愬釋縛待以客禮。時時召祐及李忠義屏人語。或至夜分。他人莫預聞。諸將恐祐爲變。多諫愬。諸軍亦日有牒稱得賊謀者。言祐爲賊內

應。愬恐謗先達于上。已不及救。乃械祐送京師。先密奏

曰。若殺祐則無以成功。詔以還愬。署散兵馬使。令佩刀

巡警。出入帳中。或與同宿。密語達曙。有竊聽者。但聞祐

感泣聲。舊軍令。舍賊謀者屠其家。愬除其令。使厚待之。謀反以情告愬。愬益知賊中虛實。嘗遣兵攻朗

山。不利。衆皆悵恨。愬獨歡然曰。此吾計也。乃募敢死士三千人。號曰突將。朝夕自教習之。使常爲行備。朗山

隋縣。今汝寧府確山縣是。

六月。吳元濟請降。

元濟兵勢日蹙。上表請罪。願束身自歸。詔許之。而爲董

重質等所制。不得出。

秋七月。大水。

以孔戣爲嶺南節度使。

先是明州

唐置今浙江寧波府是

歲貢蚶

呼甘反。蚌屬。橫縱其理五味自充。蛤合

反小。于蚶而殼薄其文如貝。

水陸遞夫勞費。華州刺史孔戣奏罷之。

至是嶺南擇帥。宰相奏擬數人。上皆不用。曰。頃有諫進

蚶蛤者可與也。乃以戣為嶺南節度使。

以裴度兼彰義節度使。充淮西宣慰招討使。崔羣同平章

事。考唐書憲宗紀。崔羣同平章事。在是年七月丙辰。與裴度使淮西制。同日俱下。通鑑因之。綱目移在九月。今改正。

正

諸軍討淮西。四年不克。饋運疲弊。上亦病之。宰相李逢

吉等競言師老財竭。意欲罷兵。度獨無言。上問之。度曰。

臣誓不與此賊俱生。今請自往督戰。且元濟勢實窘迫。

但諸將心不一。不併力迫之。故未降耳。若臣自詣行營。

諸將恐臣奪其功。必爭進破賊矣。上悅。命度以平章事兼節度使。仍充宣慰招討處置使。以戶部侍郎崔羣同平章事。制下。度奏刑部侍郎馬總字會元。扶風人。爲宣慰副使。右庶子韓愈爲行軍司馬。將行。言于上曰。臣若滅賊。則朝天有期。賊在。則歸闕無日。上爲之流涕。御通化門送之。李逢吉不欲討蔡。翰林學士令狐楚字穀士。德蔡之裔。與逢吉善。度恐其合中外之勢。以阻軍事。乃請改制書數字。且言楚草制失辭。罷之。度遂行。以鄆城爲治所。先是諸道皆有中使監陳進退。不由主將。勝則先使獻捷。不利則陵挫百端。度悉奏去之。諸將始得專其軍事。戰多有

九月李逢吉罷

逢吉既與裴度異議。上知而惡之。遂罷爲東川節度使。
初。上爲廣陵王。布衣張宿。以辯口得幸。及卽位。累官至比部員外郎。招權受賂。逢吉惡之。上欲以宿爲諫議大夫。逢吉日。宿小人。豈得竊賢者之位。必欲用宿。請先去臣。上不悅。會逢吉罷。遂竟用宿。張宿本寒人。自云諸生。

李愬攻吳房。入其外城。

李愬將攻吳房。諸將曰。今日往亡。

陰陽家說。八月以白露後十八日爲往亡。

九月以寒露後二十七日爲往亡。

愬曰。吾兵少不足戰。宜出其不意。彼

以往亡不吾虞。正可擊也。遂往克其外城而還。淮西將孫獻忠以驍騎五百追擊其背。衆驚將走。愬下馬據胡牀。令曰。敢退者斬。返旆力戰。斬獻忠。或勸愬乘勝攻其

子城可拔也。愬不聽，引還。

冬十月，李愬夜襲蔡州，擒吳元濟，檻送京師。

李祐言于李愬曰：「蔡之精兵皆在洄曲，守州城者皆羸卒，可以乘虛直抵其城。比賊將聞之，元濟已成擒矣。」愬然之。十月，遣掌書記鄭澥、白裴度度曰：「兵非出奇不勝，常侍良圖也。」愬乃命祐及李忠義帥突騎三千爲前驅，自與監軍將三千人爲中軍，李進誠將三千人殿其後。軍出，不知所之。愬曰：「但東行，行六十里，夜至張柴村，盡殺其戍卒及烽子。」守烽之卒據其柵，命士卒少休，食乾糲，整羈勒，留五百人鎮之，以斷朗山救兵。又分兵以斷洄曲，及諸道橋梁。復夜引兵出，諸將請所之。愬曰：「入蔡州，取

吳元濟諸將皆失色。監軍哭曰：「果落李祐姦計！」時大風雪，旌旗裂，人馬凍死者相望。人人自以爲必死，然畏愬莫敢違。夜半，雪愈甚，行七十里至州城。近城有鵝鴨池，愬令擊之以混軍聲。自吳少誠拒命，官軍不至蔡州城下三十餘年，故蔡人不爲備。四鼓，愬至，無一人知者。祐忠義，鏐也。其城以先登壯士從之，殺守門卒，而留擊柝者，使擊柝如故，遂開門納衆。雞鳴，雪止，愬入居元濟外宅。或告元濟曰：「官軍至矣。」元濟不信，起聽于庭，聞愬軍號令曰：「常侍傳語，應者近萬人。」始怯曰：「何等常侍？」能至于此，乃帥左右登牙城拒戰。時董重質擁精兵萬餘人據洞曲，愬曰：「元濟所望者，重質之救耳。」乃訪重質家，厚撫之，遣其子傳道。

持書諭重質。重質遂單騎詣愬降。愬攻牙城。燒其南門。民爭負芻薪助之。門壞。執元濟。檻送京師。且告于裴度。是日申光二州及諸鎮兵二萬餘人相繼來降。自元濟就擒。愬不戮一人。自官吏帳下厨廩之卒。皆復其職。使之不疑。然後屯于鞠場。以待裴度。諸將請曰。公始敗于房而不取。冒大風甚雪而不止。孤軍深入而不怯。然卒以成功。皆衆人所不喻也。敢問其故。愬曰。朗山不利。則賊輕我不爲備矣。取吳房。則其衆奔蔡。併力固守。故存之以分其兵。風雪陰晦。則烽火不接。不知吾至。孤軍深入。則人皆致死。戰自倍矣。夫視遠者不顧近。慮大者不計細。若矜小勝。恤小敗。先自撓矣。何暇立功乎。衆皆服。愬儉于奉已。而豐于待士。知賢不疑。見可能斷。所以成功。

以李鄴同平章事

初吐突承璀爲淮南監軍。鄴爲節度使。性剛嚴。與承璀

互相敬憚。故未嘗相失。承璀既歸。遂引鄜為相。已而鄜恥由宦官進。遂辭疾。不入見。不視事。未幾罷為戶部尚書。

裴度入蔡州

度建彰義節。將降卒萬餘人入城。李愬躬具橐韃。囊姑

以藏弓。韃居言反。以藏箭。出迎拜于路左。度將避之。愬曰。蔡人頑悖。

不識上下之分。數十年矣。願公因而示之。使知朝廷之

尊。度乃受之。愬還軍文城。度以蔡卒為牙兵。或諫曰。蔡人反仄者尚多。不可不備。度

笑曰。吾為彰義節度使。元惡既擒。蔡人則吾人也。又何疑焉。蔡人聞之。感泣。先是吳氏父子阻兵。禁人偶語。然

燭。有以酒食相過從者。罪死。度除其禁。蔡人始知有生民之樂。詔淮西百姓給復二年。

近賊四州免來年夏稅。官軍戰亡者皆為收葬。給其家。

十一月。帝御門受俘。誅吳元濟。

甚至刺客殺入鴨張京雒
尙何足以爲國幸憲宗力
排浮議獨決策于裴度武
元衡而元衡又爲盜殺孤
危之甘不忘破除積習是
以大赦就縛諸藩歛手國
勢不至陵夷然事定而氣
已盈措置漸乖初政况穆
敬以降哉語云可與樂成
難與慮始詩云如彼築室
于道謀是用不遺于成故
韓愈惟斷乃成一言洵爲
扼要之論

上御興安門受俘以吳元濟獻于廟社而斬之。初淮西之人劫
于李希烈吳少誠之威虐不能自拔久而老者衰幼者
壯安于悖逆不復知有朝廷矣自少誠以來遣將出兵
皆不束以法制聽各以便宜自戰人人得盡其才故
以三州之衆舉天下之兵環而攻之四年然後克之。

賜李愬爵涼國公韓弘等遷官有差。

李祐以功授神武將軍董重質雖降上以其爲元濟謀

主欲殺之李愬奏先許重質不死乃貶春州。唐置今肇慶府陽春

縣是司戶

以宦者爲館驛使。

舊制御史一人知驛至是詔以宦者爲館驛使左補闕

裴潏聞喜人諫曰內臣外事職分各殊切務在塞侵官之源

絕出位之漸事有不便必戒于初令或有妨不必在大

上不聽。

十二月。賜度晉國公。復入知政事。

戊戌十三年春正月。李師道奉表納質。并獻三州。

初。李師道謀逆命。幕僚高沐郭昉。李公度屢諫之。判官

李文會。孔目官林英。譖沐殺之。昉亦被囚。及淮西平。師

道憂懼。公度說之。使遣子入侍。并獻沂海密三州。以自

贖。師道從之。上遣左散騎常侍李遜。字友道。宗室遠裔。居荊州。詣鄆

州宣慰。遜至鄆州。師道先惑其妻之言。中悔。乃嚴兵見遜。遜盛氣正色。責其決語。師道謝曰。既重煩朝

使。何敢復有二三。遜歸。言于上曰。師道愚頑反復。必須用兵。既而師道表言。軍情不聽。納質割地。上怒。決意討

之。

二月。修麟德殿。浚龍首池。在西安府唐東內苑中。引起承龍首渠之水。自城南注此。

暉殿。

上命六軍修麟德殿。龍武統軍張奉國大將軍李文悅以外寇初平。營繕太多。白宰相。冀有論諫。裴度言之。上怒。貶奉國等。于是浚龍首池。起承暉殿。土木浸興矣。

以李夷簡同平章事。

時李鄲罷相。遂以夷簡同平章事。

夷簡相數月。上方委裴度以用兵。夷簡自

謂才不及度。求出鎮。乃罷爲淮西節度使。

橫海節度使程權入朝。

權自以世襲滄景。與河北三鎮無殊。內不自安。表請舉族入朝。許之。橫海將士樂自擅。不聽權去。掌書記林蘊諭以禍福。權乃得出。詔以蘊爲禮部員外郎。滄景自程日華至。權

入朝。凡四傳。
十有六年。

夏四月。王承宗納質。請吏復獻二州。詔復其官爵。

裴度之在淮西也。布衣栢耆。

史不詳何所人。

以策干韓愈曰。元

濟就擒。承宗破膽矣。願得奉丞相書往說之。可不煩兵

而服。愈白度。為書遣之。承宗懼。求哀于田弘正。請以二

子為質。及獻德棣二州。輸租稅。請官吏。弘正為之請。上

許之。弘正遣使送其二子知感。知信。及二州圖印。至京

師。

幽州大將譚忠亦說劉總曰。自元和以來。劉闢李錡田季安盧從史吳元濟阻兵馮險。自以為深根固蒂。

天下莫能危也。然顧盼之間。身死家覆。此非人力所能及。殆天誅也。況今天子神聖威武。苦身焦思。縮衣節食。

以養戰士。此志豈須與忘天下哉。今國兵駸駸北來。趙人已獻城十二。忠深為公憂之。總泣曰。聞先生言。信心

定矣。遂專意歸朝廷。

賜六軍辟仗使印。

舊制以宦官爲六軍辟仗使。如方鎮之監軍。無印。及張奉國等得罪。至是始賜印。得糾繩軍政。事任專達矣。

六月癸丑朔日食。

秋七月。詔諸道發兵討李師道。

先是。上謀討師道。以李光顏爲義成節度使。鎮滑州。及

是。下制罪狀師道。令宣武魏博義成武寧。

元和二年。置武寧節度。領

徐泗濠三州。橫海兵共討之。

以皇甫鏐程昇同平章事。

淮西旣平。上浸驕侈。判度支皇甫鏐鹽鐵使程昇。曉其意。數進美餘。由是有寵。又以厚賂結吐突承璀。上遂以

為宰相制下。朝野駭愕。至于市道負販者亦嗤之。裴度

崔羣極諫其不可。上不聽。度耻與小人同列。永退不許。

佞巧小人。陛下一旦賓之。相位。中外駭笑。况錡在度支。

專以豐取刻與為務。中外仰給之人。無不思食其肉。比

者裁損淮西糧料。幾至潰亂。程昇雖人品庸下。然心事

和平。可處繁劇。不宜為相。臣若不退。天下謂臣無耻。臣

若不言。天下謂臣負恩。今退既不許。言又不聽。臣如烈

火燒心。眾鑄叢體。所可惜者。淮西盪定。河北底寧。承宗

斂手削地。韓弘興疾討賊。豈朝廷之力。能制其命哉。直

以處置得宜。能服其心耳。陛下建升平之業。十已八九。

何忍還自墜壞。使四方解體乎。上以度為朋黨。不之省。

錡自知不為眾論所與。益為巧詔。以自固。時內出積年

繒帛。付度支令賣。錡悉以高價買之。以給邊軍。其繒帛

朽敗。隨手破裂。邊軍聚而焚之。度因奏事言之。錡于上

前引其足曰。此靴亦內庫所出。臣以錢二千買之。堅完

可久服。度言不可信。上以為然。由是錡益無所憚。程昇

亦自知不合眾心。能廉謹謙遜。為相月餘。不敢知印秉

筆。故終免于過。其後。上語宰相曰。人臣當力為善。何乃

好立朋黨。度對曰。方以類聚。物以羣分。君子小人。志趣

同者。勢必相合。君子為徒。謂之同德。小人為徒。謂之朋

大亂甫戢而亟求仙服藥蓋由志滿意盈遂爾一蹶不振而穆宗且甘蹈覆轍而不悟非所謂貽謀不臧者乎

黨外雖相似。內實懸殊。在聖王辨其所為邪正耳。

冬十一月。以柳泌本楊仁晝。更姓名。為台州唐置。今浙江台州府是。刺史。

上好神仙。詔天下求方士。宗正卿李道古曹王臯之子。因皇

甫鑄薦山人柳泌云能合長生藥。泌言天台山名。在今台州府天

台縣北。山當斗牛之分。上應台宿。故名天台。多靈草。誠得為彼長吏。庶幾可

求。上以泌權知台州刺史。諫官爭論奏。以為人主喜方

士。未有使之臨民者。上曰。煩一州之力。而能為人主致

長生。臣子亦何愛焉。由是羣臣俱莫敢言。

十二月。田弘正將兵渡河逼鄆州。

先是。弘正請自黎陽渡河討李師道。裴度曰。魏博軍既渡河。即當仰給度支。或與光顏互相疑阻。則必益致遷

延與其度河而不進不若養威于河北。宜且使之秣馬。

厲兵俟霜降水落自揚劉。

在今泰安府東阿縣北。渡河。

直指鄆州則賊衆搃心矣。上從之。是月弘正將魏博全

師自楊劉度河距鄆州四十里築壘城中大震。

既而魏博義成

軍送所獲鄆州牙將夏侯澄等四十餘人。上皆釋勿誅。各付行營驅使。曰若有父母欲歸者優給遣之。朕所誅者師道而已。于是賊中聞之降者相繼。

巳亥

十四年春正月遣中使迎佛骨至京師。貶韓愈爲潮州

隋置今廣東潮州府是。刺史。

先是功德使上言鳳翔法門寺塔有佛指骨相傳三十年一開開則歲豐人安來年應開請迎之上從其言至是佛骨至京師留禁中三日歷送諸寺王公士民瞻奉

捨施。惟恐弗及。刑部侍郎韓愈上表諫。畧曰。昔者黃帝

皆享壽考。百姓安樂。當是時。中國未有佛也。漢明帝時。始有佛法。其後亂亡相繼。運祚不長。宋齊梁陳元魏以下。事佛漸謹。年代尤促。惟梁武帝在位四十八年。前後三度捨身施佛。竟爲侯景所逼。餓死臺城。事佛求福。乃更得禍。由此觀之。佛不足信。亦可知矣。夫佛與中國言語不通。衣服殊製。不知君臣之義。父子之恩。假如其身尚在。來朝京師。陛下容而接之。不過宣政一見。禮賓一設。賜衣一襲。衛而出之于境。不令惑衆也。況其身死已久。枯朽之骨。豈宜以入宮禁。乞付有司。投諸水火。永絕根本。斷天下之疑。絕後代之惑。佛若有靈。能作禍福。凡有殃咎。宜加臣身。上天鑒臨。臣不怨悔。上得表大怒。將加愈極刑。裴度崔

羣言愈雖狂。發于忠懇。宜寬容以開言路。乃貶潮州刺史。

二月。平盧都將劉悟執李師道斬之。

田弘正李愬屢敗平盧兵。李師道發民治城塹。役及婦

人民懼且怨。都知兵馬使劉悟。

悟先于宣武逃至澤潞。師道迎而用之。將

兵萬餘人屯陽穀。

隋縣。今屬兗州府。

以拒官軍。務爲寬惠。使士

卒人人自便。軍中號曰劉父。或謂師道曰。悟專收衆心。

恐有他志。師道潛遣二使齎帖。授行營副使張暹。令斬

悟。暹素與悟善。懷帖示之。悟召諸將謂曰。悟與公等不

顧死亡以抗官軍。誠無負於司空。今司空信讒來取悟。

首。悟死。諸公其次矣。且天子所欲誅者。獨司空一人。今

軍勢日蹙。吾曹何爲隨之滅族。欲與諸公還入鄆州。奉

行天子之命。豈徒免危亡。富貴可圖也。有後應者。皆立

斬之。衆懼。皆曰。惟都頭命。

軍中稱都頭。將爲都頭。

乃令士卒夜半即

行。人銜枚。馬縛口。天未明。悟先遣十人。宣言劉都頭至。

比悟軍至城下。城中噪譁動地。子城門已洞開。牙中兵不滿數百。皆投弓矢于地。悟勒兵捕師道與二子斬之。慰諭軍民。斬贊。師道逆謀者二十餘家。文武將吏且懼且喜。函師道父子三首送田弘正營。弘正大喜。露布以聞。淄青等十二州皆平。自李正已據淄青。至師道上命凡三世五十四年而滅。戶部侍郎楊於陵宣撫淄青。分其地爲三道。以鄭曹濮爲一道。淄青齊登萊爲一道。兗海沂密爲一道。自廣德以來垂六十年。藩鎮跋扈。河南北三十餘州。自除官吏。不供貢賦。至是盡遵朝廷約束矣。裴度纂述蔡邕用兵以來。帝之憂勤機畧。因侍宴獻之。請內印出付史官。帝曰。如此似出朕志。非所欲也。弗許。

以劉悟爲義成節度使。

上欲移悟他鎮。恐悟不受代。復須用兵。密詔田弘正察之。弘正曰。遣使者修好。以觀其所爲。悟得鄆州三日。教手搏而庭觀之。搖肩攘臂。離坐以助其勢。弘正聞之。笑曰。是何能爲。密表以聞。上乃以悟爲義成節度使。悟聞制下手足失墜。明日遂行。而弘正已將數道兵至城西矣。先是。賊數遣人入關。截陵戟。焚倉場。流矢飛書。以動京師。有司督察甚嚴。終不能絕。及弘正閱李師道簿書。有賞殺武元衡人王士元等。及賞潼關蒲津吏卒案。乃知曷者皆吏卒受賂。容其姦也。弘正送士元等十六人。詔有司鞠之。皆欵服。悉誅之。

夏四月。詔諸道支郡。

旁郡也。

兵馬。並令刺史領之。

橫海節度使烏重允奏曰。河朔藩鎮。所以能旅拒朝命者。由諸州縣各置鎮將領事。收刺史縣令之權也。曷使刺史各得行其職。則雖有姦雄如安史。必不能以一州獨反也。臣所領德棣景三州。已舉牒各還刺史職事。應

在州兵。並令刺史領之。故有是詔。其後河北諸鎮。惟橫海最爲順命。由重允處之得宜故也。

裴度罷爲河東節度使。

度在相位。知無不言。皇甫鏞之黨擠之。詔度以平章事

鎮河東。鏞專以掎克取媚。人無敢言者。獨諫議大夫武

儒衡

字廷碩。元衡從父弟。

上疏言之。鏞自訴于上。上曰。卿欲報怨

邪。鏞乃不敢言。

史館修撰李翱上疏曰。定禍亂者武功也。興太平者文德也。今陛下旣以武功

晉武平吳。贊成者獨有杜預。而山濤則云。吳平之後。方勞聖慮。其言可謂知要。憲宗倚任裴度。河南北得以摧陷橫潰。謂有爲之主。旣而鏞異井進度。且不

安其位中興之業自虧一簣乎此可見處成功之難

定海內。若遂革弊事。復舊制。用忠正而不疑。屏邪佞而不逼。改稅法。不督錢。而納布帛。絕進獻。寬百姓租賦。厚邊兵。以制戎狄。數訪問待制官。以通塞蔽。此六者。政之根本。太平所以興也。陛下既已能行其難。若何不為其易乎。以陛下天資上聖。如不惑近習。容悅之辭。任鯁骨正直之士。與興大化。可不勞而成也。若其不然。臣恐大功之後。逸欲易生。進言者必曰。天下既平。陛下可以高枕自逸。則太平未可期也。李翱。字習之。趙郡人。

秋七月。宣武節度使韓弘入朝。

弘始入朝。上待之甚厚。弘獻馬三千。絹五千。雜繒三萬。金銀器千。而汴之庫廩。尚有錢百餘萬緡。絹百餘萬匹。馬七千匹。糧三百萬斛。

羣臣上尊號。

曰元和聖文神武法天應道皇帝。

自淮西用兵以來。度支鹽鐵及四方爭進

奉。謂之助軍。賊平。又進奉。曰賀禮。曰助賞。及是。上加尊號。又進奉。亦曰賀禮。于是左右軍中尉各獻錢萬緡。

以令狐楚同平章事。

時程异卒。楚與皇甫鏐同年進士。故鏐引以爲相。

八月。以韓弘爲司徒兼中書令。張弘靖爲宣武節度使。

弘累表請留京師。故有是命。弘靖鎮宣武。繼弘嚴猛之
後。代以寬簡。民便安之。

魏博節度使田弘正入朝。

上待之甚厚。弘正三表請留。不許。乃加兼侍中。遣還鎮。

弘正恐一旦物故。魏人猶以故事繼襲。故兄弟子姪皆仕諸朝。上皆擢居顯列。朱紫盈廷。時人榮之。

庫部員外郎李渤病免。

渤使陳許還。言臣過渭南諸縣。人多流亡。舊三千戶者。今纔千戶。迹其所以然。皆由以逃戶稅攤于比鄰。致驅

迫俱逃。聚斂之臣。剝下媚上。惟思竭澤。不慮無魚。乞降詔書。禁絕計不數年。人皆復于農矣。執政見而惡之。渤遂謝病歸東都。

冬十月。安南遣將楊清討黃洞蠻。

西原蠻之屬。有黃氏者。居黃橙洞。是為黃洞蠻。

長。唐書南蠻傳。西原蠻。居廣容之南。邕。桂之西。

清作亂。殺都護李象古。

道古之兄。

象古以貪縱苛刻失衆心。清世為蠻酋。象古召為牙將。命將兵討黃洞蠻。清因人心怨怒。夜還襲州。陷之。初。蠻

賊黃少卿。自貞元以來。數反覆。桂管觀察使裴行立。

耀卿。

從孫。容管經略使。

治容州。今梧州府容縣是。

陽旻。

字公素。惠元子。

欲微倖立功。

爭請討之。上從之。嶺南節度使孔戣屢諫曰。此禽獸耳。不足與論是非。不聽。大發江湖兵。會二管入討。士卒多

瘴死。安南乘之。遂殺都護。二管亦彫弊。惟殘所部晏然。
後楊清爲安南將士所殺。而黃少卿久未得平。韓愈上
言。黃家賊居無城郭。依山傍險。尋常亦各營生。急則屯
聚相保。比緣經畧。使多不得人。侵欺虜縛。以致怨恨。遂
攻劫州縣。侵暴平人。或聚或散。終亦不能爲事。裴行立
陽晏意在邀功。獻計征討。邕容兩管經此凋弊。殺傷疾
疫。十室九空。如此不已。臣恐嶺南未得寧息。兼此賊徒
亦甚傷損。厭苦必深。若赦其罪戾。遣使宣諭。必望風降
服。仍擇素有威信者爲經略使。處置得宜。自無侵叛。時
不能用。

吐蕃圍鹽州。

吐蕃十五萬衆圍鹽州。刺史李文悅竭力拒守。凡二十
七日。吐蕃不能克。靈武牙將史奉敬

靈州人。

言于朔方節

度使杜叔良。請兵解圍。叔良以二千五百人與之。奉敬
行旬餘。無聲問。朔方人以爲俱沒矣。無何。奉敬自他道

出吐蕃背吐蕃大驚潰去奉敬舊擊大破之

貶裴潏爲江陵令

柳泌至台州驅吏民采藥歲餘無所得而懼逃入山中浙東觀察使捕送京師皇甫鎔李道古保護之上復使待詔翰林服其藥日加燥渴起居舍人裴潏上言藥以愈疾非朝夕常餌之物况金石酷熱有毒又益以火氣殆非五藏所能勝也古者君飲藥臣先嘗之乞令獻藥者先餌一年則真僞可辯矣上怒貶潏

崔羣罷

初帝問宰相元宗之政先理而後亂何也羣對曰元宗用姚崇宋璟盧懷慎蘇頌韓休張九齡則理用宇文融

李林甫。楊國忠。則亂。故用人得失。所繫非輕。人皆以天寶十四年安祿山反。爲亂之始。臣獨以爲開元二十四年罷張九齡相。專任李林甫。此理亂之所分也。願陛下以開元初爲法。以天寶末爲戒。乃社稷無疆之福。皇甫鎛深恨之。及羣臣議上尊號。呈甫鎛欲增孝德字。羣曰。言聖則孝在其中矣。鎛言于上曰。羣于陛下。惜孝德二字。上怒。時鎛給邊軍不時。又多陳敗之物。軍士怨怒。流言欲爲亂。李光顏憂懼欲自殺。遣人訴之。上不信。京師恐懼。羣具以聞。鎛密言于上曰。邊賜皆如舊制。而人情忽如此者。由羣鼓扇將以賣直。歸怨于上也。上以爲然。出羣爲湖南觀察使。于是中外切齒于鎛。

以狄兼謩

字汝諧。仁傑族曾孫。

為左拾遺

中書舍人武儒衡有氣節。好直言。上器之。顧待甚渥。人

皆言其且入相。令孤楚忌之。思有以沮之。乃薦兼謩才

行。擢左拾遺。

是以兼謩為仁傑之族。乃自草制辭。盛言天后竊位。姦臣擅權。預仁傑保佑。中宗克

復明辟。儒衡泣訴于上。曰。臣曾祖平一。在天后朝。辭榮終老。上由是薄楚之為人。

庚子

十五年春正月。帝暴崩于中和殿。

考唐書憲宗紀。正月。帝

崩。又王守澄傳。守澄與內常侍陳弘志弒帝于中和殿。舊

書紀。時帝暴崩。皆言內官陳弘志弒逆。史氏諱而不書。據

此則憲宗被弒。史臣特諱言之耳。通鑑考異。以茲事曖昧。

不能測其虛實。故但云暴崩。范祖禹以穆宗不能討賊。故

舊史存疑而已。綱目因通鑑。亦書暴崩。劉友益尹起莘。皆

以為著當時君臣不能討賊之罪。汪克寬則以為當依漢

平隋文例。書弒。其說紛然不一。今于提綱仍依綱目。而以新舊書紀傳及考異諸說。並注于此。

上服金丹。多躁怒。左右宦官。往往獲罪。有死者。人人自

危至是暴崩于中和殿時人皆言內常侍陳弘志弑逆其黨類諱之不敢討賊但云藥發外人莫能明也

閏月太子卽位

是爲穆宗

諸宦官王守澄等共立太子卽皇帝位以吐突承璀嘗

欲立灋王惲

憲宗次子

爲太子守澄等于是殺承璀及惲

劉友

益曰唐世宦官弑君立君始此

貶皇甫鏞爲崖州司戶以蕭俛段文昌同平章事

輟西宮

卽西內殯在焉

臨朝集羣臣于月華門外

唐東西內皆有月華門在

殿之西宣制貶鏞市井皆相賀上議命相令狐楚薦俛俛

亦鏞同年進士上欲誅鏞俛及宦官救之得免

柳泌伏誅貶李道古爲循州司馬

以薛放河中寶鼎人爲工部侍郎丁公著字平子吳人爲給事中。

放公著先爲東宮侍讀及上卽位未聽政卽召二人入侍禁中參預機密欲以爲相二人固辭。

尊貴妃郭氏爲皇太后。

初憲宗卽位羣臣累表請立妃郭氏爲后憲宗以妃宗門彊盛恐正位之後後宮莫得進託以歲時禁忌不許至是乃尊爲皇太后。

上與羣臣皆釋服。

二月赦天下。

上御樓肆赦事畢盛陳倡優雜戲而觀之又幸左神策軍觀手搏監察御史楊虞卿字師皇弘農人上疏曰陛下宜延

問羣臣。惠以氣色。使進忠若趨利。論政若訴冤。如此而不昇平者。未之有也。衡山人趙知微。亦上疏諫。上遊畋無節。上雖不能用。亦不罪也。

以柳公權

字誠懸。公綽弟。

爲翰林侍書學士。

上見公權書跡。愛之。問曰。卿書何能如是之善。對曰。用筆在心。心正則筆正。上默然改容。知其以筆諫也。

夏五月。以元稹爲祠部郎中。知制誥。

初。稹爲江陵士曹。與監軍崔潭峻善。上在東宮。聞宮人誦稹歌詩而善之。及卽位。潭峻歸朝。薦稹。上以爲知制誥。朝論鄙之。會同僚食瓜于閣下。有青蠅集其上。武儒衡以扇揮之曰。適從何來。遽集于此。同僚皆失色。衡意氣自若。

六月葬景陵。

在同州府蒲城縣南金嶺山。

賀善贊曰。憲宗志平僭叛。所向有功。可謂中興之主。然有二病。一任宦閹。一好進奉。至于末年。信惑異端。身陷大禍。豈不重可惜哉。

以崔羣爲吏部侍郎。

上召羣對別殿。謂曰。朕升儲副。知卿爲羽翼。對曰。先帝之意。久屬聖明。臣何力之有。

太后居興慶宮。

太后居南內。每朔望。上帥百官詣宮門上壽。上性侈。所以奉太后者尤華靡。

秋七月。令狐楚罷。

楚爲山陵使。不給工人傭直。收其錢十五萬爲羨餘。以

獻怨訴盈路故罷之。

楚出為宣歙觀察使以崔植同平章事已而楚再貶衡州刺史崔

植字公修

祐甫之子

八月浚魚藻池。

在長安縣北唐故禁苑內雍錄池中有山山上建魚藻宮

九月大宴。

上甫過公除卽事遊畋聲色賜與無節欲以重陽大宴。

拾遺李珣

字待價淮陰人

帥其同僚上疏曰元朔未改山陵尚

新雖陛下就易月之期俯從人欲而禮經著三年之制

猶服心喪合讌內庭事將未可上不聽已而羣臣入閤

諫議大夫鄭覃

珣瑜子

崔郾

字廣略郾之弟

等五人進言陛下宴

樂多過遊畋無度又晨夕與近習倡優狎暱賜與過厚

夫金帛皆百姓膏血非有功不可與雖內藏有餘願陛

下愛之。時久無閣中論事者。上始甚訝之。謂宰相曰。此輩何人。對曰。諫官。上乃使人慰勞之。曰。當依卿言。宰相皆賀。然實不能用也。上嘗謂給事中丁公著曰。聞外間人多宴樂。此乃時和人安。足用為慰。公著對曰。此非佳事。恐漸勞聖慮。上曰。何故。對曰。自天寶以來。公卿大夫競為遊宴。沈酣晝夜。憂雜子女。不愧左右。如此不已。則百職皆廢。陛下能無獨憂勞乎。願少加禁止。乃天下之福也。獲與獠同。言如獠之雜也。

冬。十月。成德節度使王承宗卒。詔以田弘正代之。王承元為義成節度使。

王承宗卒。其下秘不發喪。立承宗之弟承元。承元時年二十。曰。諸公未忘先德。不以承元年少。使攝軍務。承元

請盡節天子。以遵忠烈王

王武俊。賜諡忠烈。

之志。諸公肯從之

乎。眾許諾。承元乃視事于都將聽事。不稱留後。表請除

帥諸將及鄰道爭以故事勸之。皆不聽。詔以田弘正爲成德帥。承元移鎮滑州。諸將諠譁不受命。承元以詔旨諭之。謂曰。諸公意甚厚。然使承元違天子詔。其罪大矣。昔李師道未敗。朝廷嘗赦其罪。師道欲行。諸將固留之。其後殺師道者亦諸將也。諸將勿使承元爲師道則幸矣。大將李寂等固留承元。承元斬以徇。軍中乃定。成德自李寶臣至王承元入朝。更二姓。傳五世。凡五十九年。

吐蕃寇涇州

涇州奏吐蕃入寇。距州三十里。告急求救。以中尉梁守謙爲神策行營都監。并發八鎮全軍救之。邠寧兵以神策受賞厚。皆愠曰。人給五十緡。而不識戰鬪者。彼何八

邪常額衣資不得。而前冒白刃者。此何人邪。洵洵不止。節度使李光顏親爲開陳大義。然後軍士感悅而行。將至涇州。吐蕃懼而退。

幸華清宮

上將幸華清宮。宰相帥兩省官詣延英門。三上表切諫。上不聽。諫官伏門下。至暮乃退。明日。上自複道出城。幸華清宮。獨公主駙馬中尉兵千人扈從。晡時還宮。

穆宗皇帝

辛丑長慶元年春正月。詔河北諸道各均定兩稅。

蕭俛罷

俛介潔疾惡。爲相重惜官職。少所引拔。西川節度使王

播大修貢舉。且以賂結宦官。求為相。段文昌復左右之。

詔徵播詣京師。俛屢爭之。言播纖邪。不可以汙台司。上

不聽。俛遂辭位。

時段文昌亦罷。以杜元穎同平章事。王播為鹽鐵使。播奏約榷茶額。每百錢加

稅五十。李珣等諫曰。榷茶近起貞元多事之際。今天下

無虞。所宜寬橫斂之目。而更增之。百姓何時當得息肩。

不從。杜元穎

如晦五世孫。

盧龍節度使劉總棄官為僧。以張弘靖代之。

總既殺其父兄。心常自疑。數見父兄為祟。常于府舍飯

僧。使為佛事。晚年恐懼尤甚。又見河南北皆從化。奏乞

棄官為僧。詔從之。總奏分所屬為三道。以幽涿營為一

道。平薊。為一道。請除張弘靖。薛平為節度使。瀛莫

為一道。請除盧士攻。為觀察使。

弘靖先在河東。以寬簡得衆。總以燕人桀驁。曰。

久。故舉弘靖以安輯之。平嵩之子。知河朔。總又盡擇麾風俗。而盡誠于國。士攻則總妻族之親也。

下宿將有功難制者朱克融孫等送京師。乞加獎拔。

使燕人有慕美朝廷祿位之志。又獻征馬萬五千匹。然

後削髮委去。總尋卒于定州。自劉怱得幽州。至總棄官。凡三世。三十六年。是時上方

酣宴不以天下為意。崔植杜元穎不知安危大體。苟欲

崇重弘靖。惟割瀛莫二州。以士攻領之。餘皆統于弘靖。

朱克融輩久羈旅京師。至假旬衣食。日詣中書求官。植

元穎不之省。尋勒歸本軍驅使。克融輩皆憤怒。

夏四月。貶錢徽李宗閔為遠州刺史。楊汝士為開江。唐縣。為開

州治。開州。注見前。令。

翰林學士李德裕。字文饒。吉甫之子也。以中書舍人李宗

黨卒怨李已足紊亂朝常
至通關節於貢舉是以先
進引後進其爲門戶紛爭
瓜連株蔓尤不可究詰矣
若時人稱美錢徽不奏入
私書此更贅說既有私書
則掌舉者已屬納人關節
且未必止段李二人而已
徽卽下愚肯自言耶史書
之不足信如此

閔嘗對策譏切其父恨之宗閔又與翰林學士元稹爭

進取有隙右補闕楊汝士與禮部侍郎錢徽掌貢舉西

川節度使段文昌翰林學士李紳

字公垂敬元曾孫

各以書屬

所善進士及榜出三人所屬皆不預而鄭覃弟朗裴度

子譔宗閔壻蘇巢汝士弟殷士及第文昌言于上曰今

歲禮部殊不公所取皆以關節得之上以問諸學士德

裕稹紳皆以爲然上乃命覆試黜朗等十人而貶徽等

或勸徽奏二人屬書上必寤徽曰苟無愧心得喪一致

奈何奏人私書豈士君子所爲邪取而焚之時人多之

自是德裕宗閔各分朋黨各相傾軋垂四十年

五月遣使冊回鶻崇德可汗

保義可汗死冊所嗣爲毘伽崇德可汗

以太和

長公主憲宗女妻之

吐蕃聞唐與回鶻婚。寇青塞堡。回鶻奏以萬騎出北庭。萬騎出安西。拒吐蕃以迎公主。

秋七月。盧龍軍亂。囚節度使張弘靖。推朱克融為留後。

弘靖驕貴自尊。政事多委幕僚韋雍輩。皆年少輕薄。嗜

酒豪縱。裁刻軍士糧賜。數以反虜詬之。謂曰。今天下太

平。汝曹能挽兩石弓。不若識一丁字。由是軍中人人怨

怒。會雍出。逢小將策馬衝其前導。雍命杖之。河朔軍士

不貫

與慣同

受杖。不服。雍白弘靖繫治之。是夕。士卒連營

呼譟作亂。囚弘靖。殺雍等。迎朱克融為留後。

衆以判官張徹長者

不殺。徹罵曰。汝何敢反。行且族滅。衆共殺之。弘靖坐貶吉州刺史。未幾。瀛州軍亦亂。執觀察使盧士玫。送于克

融。

成德兵馬使王庭湊。

回鶻阿布思之種。王武俊養以爲子。因冒姓。

殺節度使田

弘正。起復田布爲魏博節度使討之。

初。田弘正徙鎮成德。自以久與鎮人戰。有父兄之仇。乃

以魏兵二千自衛。請度支供其糧賜。戶部侍郎崔俊

字德

長祐甫從子。

剛。福無遠慮。恐開事例。不肯給。弘正不得已。遣

魏兵歸。都知兵馬使王庭湊果悍陰狡。潛謀作亂。以魏

兵故不敢發。及魏兵去。夜結牙兵殺弘正。自稱留後。逼

監軍奏求節鉞。朝廷震駭。魏博節度使李愬聞變。素服

流涕。令將士曰。魏人所以得通聖化。安寧富樂者。田公

之力也。今鎮人不道。輒害之。是輕魏以爲無人也。諸

公受田公恩。宜如何報之。衆皆慟哭。深州刺史牛元翼。

趙州人。成德良將也。愬使以寶劍玉帶遺之。曰。昔吾先人。

以此劍立大勲。吾又以之平蔡州。今以授公。努力翦庭。

湊。元翼以劍帶狗于軍。報曰。願盡死。會愬病作。不果出。

兵。乃復起田布爲魏博節度使。布固辭不獲。與妻子賓客訣曰。吾不還矣。悉屏

旌節導從而行。未至魏州三十里。被髮徒跣號哭而入。居于聖室。月俸千緡。一無所取。賣舊產得錢十餘萬緡。

以頒士卒。舊將老者兄事之。

詔諸道討王庭湊。以牛元翼爲深翼節度使。庭湊圍深州。

九月。吐蕃遣使來盟。以劉元鼎爲吐蕃會盟使。

命宰相與吐蕃使者論訥羅盟于城西。遣元鼎入吐蕃。

亦與其宰相以下盟。今西藏衛地伊克招之門右有唐碑。上刻長慶初與吐蕃會盟之文。

增冶鑄以開其源禁鑄以廣其流錢價既平即輸稅亦便安得謂之厲民乎不揣其本舍錢法而爭稅法於陵之論蓋本諸陸贄而所見尤屬膚末未為通達國體

至今完好。番語謂大為伊克。廟為招。伊克招。猶言大廟也。

詔兩稅皆輸布絲纈。

自定兩稅法以來。錢日重。物日輕。民所輸三倍其初。戶部尚書楊於陵言。錢者所以權百貨。貿遷有無。所宜流散。不應蓄聚。今稅百姓錢。藏之公府。又開元中。天下鑄錢七十餘爐。歲入百萬。今纔十餘爐。歲入十五萬。入綱目誤作八。今依通鑑改正。又積于富室。流入四夷。如此則錢焉得不重。物焉得不輕。今宜使天下輸稅課者。皆用穀帛。廣鑄錢而禁滯積。及出塞者。則錢日滋矣。從之。

冬十月。以王播同平章事。

播為相。專以承迎為事。未嘗言國家安危。

諸葛亮出師先以君側輔
翊得人爲重其意雖非自
爲避讓之計然貞邪不並
立所關於治亂消長者大
矣禎助弘簡出抑軍奏可
見小人羽翼旣成卽宿望
元勳不能措手豈不大可
畏耶穆宗雖爲解官而恩
過如改謬矣

以裴度爲鎮州行營都招討使。

以魏弘簡爲弓箭庫使。元禎爲工部侍郎。

翰林學士元禎與知樞密魏弘簡深相結。求爲宰相。由是有寵。禎無怨于裴度。但以度先達重望。恐其復有功大用妨已進取。故度所奏軍事多與弘簡從中沮之。度上表曰。陛下欲掃蕩幽鎮。先宜肅清朝廷。河朔逆賊祇亂山東。禁闡姦臣必亂天下。是則河朔患小。禁闡患大。小者臣與諸將必能剪滅。大者非陛下覺悟制斷。無以驅除。臣蒙陛下委付之意。不輕遭姦臣抑損之事。不少若朝中姦臣盡去。則河朔逆賊不討自平。若姦臣尚存。則逆賊縱平無益。表三上。上雖不悅。以度大臣不得已。

罷弘簡樞密解稹翰林而恩遇如故。

宿州

唐置今屬江南鳳陽府。

刺史李直臣伏誅。

直臣坐贓當死。宦官受其賂爲之請。御史中丞牛僧孺固請誅之。上曰。直臣有才可惜。僧孺對曰。彼不才者安足慮。本設法令所以擒制有才之人。安祿山朱泚皆才過于人。法不能制者也。上從之。

十二月。深州行營節度使杜叔良討王庭湊大敗。詔以李光顏代之。

初。橫海節度使烏重允將全軍救深州。獨當幽鎮東南。重允宿將。知賊未可破。按兵觀釁。上怒。徙重允山南西道。而叔良素事權倖。宦官薦之。詔以代重允。至是將諸

道兵與鎮人戰大敗。詔復以李光顏代之。

以朱克融為平盧節度使。

自憲宗征伐西方。國用已虛。及上卽位。賞賜無節。而幽鎮用兵久無功。府藏空竭。執政以王庭湊殺田弘正而克融囚張弘靖。罪有輕重。請赦克融。專討庭湊。上從之。
克融既得旌節。乃出張弘靖。盧士攻。

壬寅二年春正月。盧龍兵陷弓高。注見前。

先是。弓高守備甚嚴。有中使夜至。守將不內。旦乃得入。

中使大詬怒。賊諜知之。他日。僞遣人為中使夜至。守將

遽內之。賊眾隨入。又圍下博。

中書舍人白居易上言曰。自幽鎮逆。朝廷徵兵十

七八萬。四面攻圍。已逾半年。王師無功。賊勢猶盛。弓高既陷。糧道不通。下博深州。饑窮日甚。蓋由節將太眾。其

心不齊。未立功者。或已拜官。已敗衄者。不聞得罪。既無懲勸。以至遷延。請令李光顏將諸道勁兵。從東速進。開弓高糧路。合下博諸軍。解深邢重圍。與元翼合勢。令裴度將太原全軍。兼招討舊職。四面壓境。觀勢而動。若乘虛得便。即令同力翦除。若戰勝賊窮。亦許受降。納款。如此則夾攻。以分其力。招諭以動其心。必未及誅夷。自生變故。仍詔光顏。選留諸道精兵。餘悉遣歸本道。蓋兵多而不精。豈准虛費資糧。兼恐撓敗軍陳故也。諸道監軍。請皆停罷。眾齊令一。必有成功。疏奏不省。下博。漢縣。故城在今直隸深州。

魏博將史憲誠

建康人。

作亂。節度使田布死之。詔以憲誠為

節度使。

初。田布從弘正在魏。善視牙將史憲誠。及為節度使。遂

寄以腹心。軍中精銳。悉以委之。至是。布以魏兵討鎮軍

于南宮。

漢縣。今屬冀州。

以饋軍不繼。發六州

魏博六州也。綱目誤作六軍。今改正。

租賦以供軍。將士不悅。憲誠因鼓扇之。會有詔分魏博

田布父子並盡忠唐室其
父既為庭湊所戕布復因
憲誠扇亂捐軀以殉節烈
尤為可憫乃贈卹弗及聲
討弗加轉授憲誠以節鉞
其荷以慰忠魂而戢奸猾

軍與李光顏使收深州布軍遂潰多歸憲誠布獨與中
軍八千人還魏復召諸將議出兵諸將益偃蹇曰尚書
能行河朔舊事則死生以之若使復戰則不能也布嘆
曰功不成矣即日作遺表曰臣觀眾意終負國恩臣既
無功敢忘即死伏願陛下速救光顏元翼毋使義士忠
臣皆為河朔屠害奉表號哭拜授幕僚李石字中玉襄
邑王神符
五世乃入啓父靈抽刀而言曰上以謝君父下以示三
孫遂刺心而死憲誠聞之遂喻眾以河朔舊事眾擁憲
誠為留後詔以為節度使憲誠雖外奉朝廷然內實與
幽鎮連結

二月以王庭湊為成德節度使遣兵部侍郎韓愈宣慰其

軍。

庭湊圍牛元翼于深州。官軍三面救之。皆以乏糧不能

進。

時諸軍匱乏衣糧饋運在途卽邀奪之其懸軍深入者皆凍餒無所得

雖李光顏亦閉

壁自守。朝廷不得已。以庭湊爲成德節度使。而遣韓愈

宣慰其軍。庭湊雖受命。不解深州之圍。詔愈至境。更觀

事勢。勿遽入。愈曰。止。君之仁死。臣之義。遂往至鎮。庭湊

拔刃弦弓以逆之。及館。甲士羅于庭。庭湊言曰。所以紛

紛者。乃此曹所爲。非庭湊心。愈厲聲曰。天子以尚書有

將帥材。故賜之節鉞。不知尚書乃不能與健兒語邪。甲

士前曰。先太師爲國擊走朱滔。血衣猶在此。軍何負朝

廷。乃以爲賊乎。愈曰。汝曹尚能記先太師則善矣。夫逆

順之爲禍福豈遠邪。自祿山思明以來。至元濟師道。其子孫有今尙存者乎。田令公以魏博歸朝廷。子孫孩提皆爲美官。王承元以此軍歸朝廷。弱冠建節。劉悟李祐皆爲節度使。汝曹亦聞之乎。庭湊恐衆心動。麾之使出。謂愈曰。侍郎來欲何爲。愈曰。神策諸將如牛元翼者不少。但朝廷顧大體不可棄之耳。尙書何爲圍之不置。庭湊曰。卽當出之。因與愈宴禮而歸之。未幾元翼將十騎突圍出深州。上之初卽位也。兩河略定。蕭俛。段文昌以爲天下已平。漸宜消兵。請密詔軍鎮。每歲百人之中。限八人逃死。上方荒宴。不以國事爲意。遂可其奏。軍士落籍者皆聚山澤爲盜。及幽鎮作亂。一呼而亡。卒皆集。詔徵諸道兵討之。皆臨時召募。烏合之衆。以行。又諸節度旣有監軍。主將不得專號令。戰小勝。則飛騎奏捷。自以爲功。不勝。則迫脅主將。以罪歸之。悉擇軍中驍勇。以自衛。遣羸弱者就戰。故每戰必敗。又凡用兵。

舉動皆自禁中授以方略。朝令夕改。不知所從。不度可否。惟督令速戰。中使道路如織。故雖以諸道十五萬之眾。裴度元臣宿望。烏重允。李光顏。皆當時名將。討幽鎮萬餘之眾。屯守踰年。竟無成功。財竭力盡。崔植。杜元穎。王播為相。皆庸才無遠略。朱克融。史憲誠。及庭湊。皆以節帥授之。由是再失河朔。迄于唐亡。不能復取。

以傅良弼字安道。清河人。為沂州刺史。李寰史不詳里系。為忻州刺史。

樂壽本漢樂成縣。隋改名。明省。故城在今河間府獻縣。兵馬使傅良弼。博野本

博陸縣。後魏更名。鎮遏使李寰。所戍在幽鎮之間。朱克融。王庭湊。互相誘脇。二人不從。各以其眾堅壁。賊竟不能取。故賞之。

崔植罷。以元稹同平章事。裴度為司空。東都留守。稹怨度。欲解其兵柄。故勸上雪王庭湊而罷兵。以度為司空。平章事。東都留守。諫官爭上言。時未偃兵。度有將

稹怨度。欲解其兵柄。故勸上雪王庭湊而罷兵。以度為司空。平章事。東都留守。諫官爭上言。時未偃兵。度有將

相全才。不宜置之散地。上乃命度入朝。然後赴東都。

以李聽爲河東節度使。

初聽爲羽林將軍。有良馬。上爲太子。遣左右諷求之。聽以職總親軍。不敢獻。及河東缺帥。上曰。李聽不與朕馬。是必可任。遂用之。

昭義節度使劉悟。執監軍劉承偕。

承偕恃恩陵轢。悟數衆辱之。陰與磁州刺史張汶謀縛悟送闕下。悟知之。諷其軍士殺汶。圍承偕。欲殺之。幕僚

賈直言

河朔舊族。先爲李師道幕僚。

責悟曰。公欲爲李司空邪。安知

軍中無如公者。悟遂謝直言。免承偕而囚之。上詔悟送承偕。悟不奉詔。會裴度入朝。上問度宜如何處置。度請

天下之苦用兵可以強藩
滋擾生民處財賄力殫之
時無識者勸圖姑息將自
貽水深火熱之憂莫知自
拔耳穆宗嘗嗣服卽以優
假除官大墮憲宗遺緒是
前此雖苦兵而尚能用兵
後此并無兵可用而益苦
矣唐祚之衰猶可復起哉

流承偕于遠州必得出上從之悟乃釋承偕自是悟浸驕欲效河

北三鎮招聚不逞章表不遜

三月詔內外諸軍將士有功者奏與除官

初上在東宮聞天下厭苦憲宗用兵故卽位務優假將
卒以求姑息詔神策六軍及南牙常參武官悉加獎擢
諸道大將久次及有功者悉奏聞除官于是商賈胥吏
爭賂藩鎮牒補列將而薦之卽升朝籍士大夫皆扼腕
嘆息

武寧副使王智興作亂詔以爲節度使

先是節度副使皆以文吏爲之上以智興有勇略欲用
之于河北故授爲武寧副使已而詔遣智興以精兵三

千討幽鎮。崔羣忌之。奏請以爲他官。未報。會有詔罷兵。智興引兵先入其境。羣懼。遣使迎勞。且使釋甲而入。智興不從。引兵入府。逐羣。遣兵送至埤橋。注見前。遂掠鹽鐵院錢帛。及諸道進奉而返。朝廷以新罷兵。力未能討。以智興爲節度使。

詔留裴度輔政。王播罷。

度入朝不數日。詔以爲淮南節度使。言事者皆謂裴度不宜出外。上亦自重之。制留度輔政。以王播代度鎮淮

南。播仍兼鹽鐵轉運使。

夏四月丁酉朔。日食。

詔免江州逃戶欠錢。

戶部侍郎判度支張平叔言。官自糶鹽。可獲倍利。又請令所由將鹽就村糶易。又乞令宰相領鹽鐵使。以糶鹽多少。爲刺史縣令殿最。檢責所在實戶。據口給一年鹽。使其四季輸價。富商大賈。有邀截喧訴者。所在杖殺。詔百官議。兵部侍郎韓愈。中書舍人韋處厚。字德載。萬年人。皆以爲不可。事遂寢。愈以爲城郭之外。少有見錢糶鹽。多用此取濟。兩得利便。今令吏人坐鋪自糶。非得見錢。必不敢受。如此。貧者無從得鹽。自然坐失常課。如何更有倍利。若令吏人將鹽家至戶到而糶之。必索百姓供應。騷擾極多。又刺史縣令。職在分憂。豈可惟以鹽利多少。爲之黜黜。不復考其理行。又貧家食鹽至少。或有旬月淡食。若據口給鹽。依時徵價。官吏畏罪。必用威刑。臣恐因此所在不安。此尤不可之大者也。處厚以爲宰相處論道之地。難以嚴務。實非所宜。竇參皇甫鎛。皆以錢穀爲相。卒蹈禍敗。又欲以重法禁人喧訴。夫強人之所不能。事必不立。禁人之所必犯。法必不行矣。平叔

又奏徵遠年逋欠。江州刺史李渤上言。度支徵當州貞元二年逃欠戶錢四千餘緡。當州今歲旱災。田損什九。陛下奈何于大旱中。徵三十六年前逋負。詔悉免之。

六月。裴度罷爲右僕射。元稹罷爲同州刺史。

王庭湊之圍牛元翼也。和王傳于方。言于元稹。請遣客間說賊黨。使出元翼。仍賂兵吏部令史。僞出告身二十通。令以便宜給賜。稹皆然之。有李賞者。知其謀。乃告裴度云。方爲稹結客刺度。度隱而不發。賞詣神策告之。詔僕射韓臯等鞠按。事皆無驗。六月。度及稹皆罷相。諫官言度無罪。不當免相。稹爲邪謀。責之太輕。上不得已。削稹長春宮使。

以李逢吉同平章事。

逢吉于上有講侍舊恩。

逢吉先為東宮侍讀。

密結近倖。召拜兵部

尚書。李賞告變。逢吉實陰使之。

唐書逢吉本傳裴度元稹知政度嘗條稹險佞

逢吉以為其隙易乘遂并中之遣人告變言于方欲為稹刺度舊書所載畧同通鑑考異以為李賞自告非由逢吉。今于稹度罷相條依通鑑輯而以逢吉事畧見于此裴度元稹既罷逢吉遂復相。

秋七月宣武押牙李弁作亂討平之。

初張弘靖鎮宣武屢賞以悅軍士李愿

晟長子

繼之薄賞

勞而峻威刑其妻弟竇瑗驕貪軍中惡之牙將李臣則

等作亂斬瑗愿奔鄭州眾推弁為留後監軍以聞詔三

省官與宰相議

時議皆以為宜如河北故事授弁節李逢吉日河北之事蓋非獲已今若并汴

州棄之。則江淮以南。亦非國家有矣。杜元穎。張平。議未

叔爭之。曰。奈何惜數尺之節。不愛一方之死乎。議未

決。會宋毫。潁州。各奏請命帥。上大喜。逢吉請徵齊入朝。

而以韓弘弟充。鎮宣武。充素寬厚。得衆心。脫齊旅拒。則

命徐許兩軍攻其左右。而滑軍蹙其北。充必得入矣。上

皆從之。齊不奉詔。忠武李光顏。充海曹華。宋州楚邱人。時爲充海節

度使。質實以充海。曹華爲四川。繆甚。皆以兵討齊。屢敗其兵。韓充入汴。境

又敗其兵于郭橋。鎮名。在開封府祥符縣西北。今日郭橋集。初。齊以兵馬使

李質爲腹心。及齊不奉詔。質屢諫不聽。會齊疽發臥家。

質擒殺之。遂迎充。充既視事。人心粗定。乃密籍軍中爲

惡者千餘人。一朝悉逐之。曰。敢少留境內者。斬。于是軍

冬十一月太后幸華清宮上畋于驪山

十二月立景王湛

帝長子即敬宗

爲太子

上與宦官擊球于禁中有宦者墜馬上驚得疾不能履地宰相屢乞入見不報裴度三上疏請立太子且請入見言之詔立景王湛爲皇太子上疾浸瘳

初行宣明歷

癸卯三年春二月以牛僧孺同平章事

戶部侍郎牛僧孺素爲上所厚初韓弘以財結中外弘卒孫幼主藏奴與吏訟于御史府上憐之取其簿自閱視凡中外主權多納弘貨獨僧孺不納上大喜遂以僧孺爲相時僧孺與李德裕皆有入相之望德裕出爲浙

西觀察使八年不遷。以爲李逢吉排已而引僧孺由是怨愈深。

夏四月。以鄭權

汴州開封人

爲嶺南節度使。

翼城人鄭注。巧譎傾詔。善揣人意。以醫遊四方。李愬餌其藥。頗驗。署爲牙推。浸預軍政。妄作威福。軍府患之。監軍王守澄請去之。愬曰。注。奇才也。將軍試與之語。苟無所取。去之未晚。乃使注見守澄。守澄不得已見之。坐語未久。大喜。促膝。恨相見之晚。守澄入知樞密。挈注以西薦于上。上亦厚遇之。自上有疾。守澄專制國事。勢傾中外。注日夜出入其家。與之謀議。人莫能窺其迹。始則微賤。巧宦之士。或因以進。數年之後。達官車馬滿其門矣。

姦吏舞文固法所不恕然
使賊吏犯法竟置不誅所
謂三尺又安在耶且受賕
不已必為枉狗滄黑白以
紊典章勢更有相因而至
者公綽意為軒輊非明罰
勅法之正

工部尚書鄭權家多姬妾祿薄不能贍因注通于守澄
以求節鎮遂得嶺南

五月以柳公綽為山南東道節度使

公綽過鄧縣

鄧城縣也本漢鄧縣唐曰鄧城宋省故城在今襄陽縣北此云鄧縣蓋蒙漢舊縣之

文有二吏一犯賊一舞文眾謂公綽必殺犯賊者公綽
判曰賊吏犯法法在姦吏亂法法亡竟誅舞文者

六月以韓愈為京兆尹

愈為京兆六軍不敢犯法私相謂曰是尚欲燒佛骨何
可犯也

秋八月帝幸興慶宮

上自複道

雍錄開元中築夾城自大明宮複道由通化等門達曲江芙蓉園外人不知也幸興

慶宮至通化門樓投絹二百匹施山僧上之濫賜皆此類不可悉紀

以裴度爲司空山南西道節度使

李逢吉惡度出之山南不兼平章事

九月復以韓愈爲吏部侍郎李紳爲戶部侍郎

李逢吉結王守澄勢傾朝野惟翰林學士李紳常排抑之逢吉患之而上遇紳厚不能遠也會御史中丞缺逢

吉薦紳清直宜居風憲之地_{上以中丞亦次對官}胡三省注

唐中世以後宰相對延英既畢待制官巡對官皆可之得引對總謂之次對官謂次宰相之後而得對也

會紳與京兆尹韓愈爭臺_叅故事京兆新除皆詣臺叅逢吉欲激二人使爭以愈

兼御史大夫免臺叅而紳愈果爭往來辭語不遜逢吉奏二人不協以

愈爲兵部侍郎。紳爲江西觀察使。愈紳入謝。上各令自敘其事。乃深寤。故有是命。

甲辰四年春正月。帝崩。太子卽位。是爲敬宗。

上創金石之藥。

處士張皋上疏曰。神慮澹則血氣和。嗜慾勝則疾疹作。藥以攻疾。無疾不可餌。

也。昔孫思邈有言。藥勢有所偏助。令人藏氣不平。借使有疾用藥。猶須重慎。况無疾乎。庶人尚爾。况天子乎。先帝信方士妄言。餌藥致疾。此陛下所詳知也。豈得復循其覆轍乎。上善其言。而求之不已。孫思邈華原人。

旣而疾作。命太子監國。宦官欲請郭太后臨朝。太后曰。

昔武氏稱制。幾傾社稷。我家世守忠義。非武氏比也。太子雖少。但得賢宰相輔之。卿輩勿預朝政。何患國家不安。自古豈有女子爲天下主。而能致唐虞之理乎。取制書于裂之。太后兄太常卿釗亦密上疏曰。若果徇其請。

臣請先帥諸子納官爵歸田里太后泣曰祖考之慶鍾于吾兄是夕上崩太子卽位

二月貶李紳爲端州司馬

初穆宗旣留李紳李逢吉愈忌之會紳族子虞恕紳以紳平日密論逢吉語告之逢吉益怒使虞與從子仲言

卽李訓始名仲言字子訓後更名字子垂

及補闕張又新深州陸澤人薦之子伺求紳

短及上卽位逢吉令王守澄言于上曰陛下之所以爲

儲貳逢吉力也如杜元穎李紳輩皆欲立深王

名察後改名悰

穆宗之弟時上年十六疑未信會逢吉亦言紳謀不利于上

請加貶謫乃貶之又新等猶忌紳日上書言貶紳太輕

上許爲殺之朝臣莫敢言獨翰林侍讀學士韋處厚上

疏指述紳爲逢吉之黨所讒。上稍開寤。會閱禁中文書。有穆宗所封一篋。發之。得裴度杜元穎及紳請立上爲太子疏。乃焚譖紳書。後有言者。不復聽矣。

尊皇太后爲太皇太后。母王妃越州人爲皇太后。

幸中和殿擊毬。

自是數遊宴。擊球奏樂。賞賜宦官樂人。不可悉紀。賜宦官服色。有今日賜緣。而明日賜緋者。

三月。赦。

詔諸道常貢之外。無得進奉。

以劉栖楚爲起居舍人。不拜。

上視朝晏。百官班于紫宸門外。老病者幾至僵踣。諫議

栖楚碎首玉階似與朱雲
折檻師丹伏蒲同一風節
乃其心固不可問也彼蓋
黨於逢吉可知倚權臣以
爲援因而誦上沽直特祖
杜欽谷永之故智耳八關
十六子之目安能逃公議

大人李渤白宰相曰。昨日疏論坐晚。今晨愈甚。請出閣
待罪于金吾仗。既坐退班。左拾遺劉栖楚獨留。進言曰。
陛下富于春秋。嗣位之初。當宵衣求理。而嗜寢樂色。日
晏方起。梓宮在殯。鼓吹日喧。令聞未彰。惡聲遐布。臣恐
福祚之不長。請碎首玉階。以謝諫職之曠。遂以額叩龍
墀。見血不已。響聞閣外。李逢吉宣曰。劉栖楚休叩頭。俟
進止。栖楚捧首而起。更論宦官事。上連揮令出。栖楚曰。
不用臣言。臣繼以死。牛僧孺宣曰。所奏知。門外俟進止。
栖楚乃出。待罪金吾仗。于是宰相贊成其言。上命中使
就仗。并李渤宣慰。令歸。尋擢栖楚爲起居舍人。栖楚辭
疾不拜。

夏四月。以李虞爲拾遺。

李逢吉用事。所親厚者。張又新。李仲言。李虞。劉栖楚。李

績之。姜洽。張權輿。程昔範等八人。又有從而附麗之者。

時人目之爲八關十六子。

凡有求請者。先賂關子。後達于逢吉。無不得所欲。

盜入清思殿。中尉馬存亮

河中人。

遣兵討平之。

卜者蘇元明與染坊供人張韶善。謂之曰。我爲子卜。當

升殿坐。與我共食。今主上晝夜球獵。多不在宮。大事可

圖也。韶以爲然。乃與元明謀。結染工無賴者百餘人。匿

兵于紫草車。載以入。有疑其重而詰之者。韶急殺之。斬

關而入。先是。右軍中尉梁守謙有寵。每兩軍角伎。上常

左右軍。至是。上狼狽欲幸右軍。以遠不能。遂幸左軍。左

軍中尉馬存亮走出迎。自負上入軍。遣大將康藝全將騎卒入宮討賊。上憂二太后隔絕。存亮復以騎迎至軍。詔升清思殿。坐御榻。與元明同食。曰。果如子言。元明驚曰。事止此邪。詔懼而走。藝全兵至。擊殺之。餘黨悉獲。上乃還宮。盜所歷諸門。監門宦者。法當死。詔並杖之。使仍舊職。存亮不自矜。委權。求出監淮南軍。

五月。以李程

字表臣。襄邑王神符五世孫。

實易直

字宗元。京兆始平人。同平章事。

上好治宮室。欲營別殿。制度甚廣。李程諫。請以所具木

石。回奉山陵。上卽從之。旣而波斯

注見前。

獻沈香亭子材。

拾遺李漢

字南紀。淮陽王道元六世孫。

言。此何異瑤臺瓊室。上雖怒。

亦優容之。

六月加裴度同平章事。

初牛元翼鎮襄陽。數啓王庭湊以請其家。庭湊不與。聞元翼卒。盡殺之。上聞之。嘆宰相非才。使凶賊縱暴。翰林學士韋處厚言。裴度勲高中夏。聲播外夷。若置之巖廊。委其叅決。河北山東必稟廟算。伏承陛下當食嘆息。恨無蕭曹。今有一裴度。尚不能留。此馮唐所以謂漢文得廉頗。李牧不能用也。臣與逢吉素無私嫌。嘗爲裴度無辜貶官。憲宗時韋貫之罷相處厚以考功郎出刺開州今之所陳上答聖明。下達羣議耳。會上見度奏狀。無同平章事。以問處厚。處厚具言逢吉排沮之狀。李程亦勸上加禮于度。上乃加度同平章事。

處厚與以危詞聳聽而不
知其言之乖謬大臣篤於
忠愛苟事切君身當隨時
直陳無隱豈且計儲位少
長為進諫等差乎使其隱
微果存此念則心跡巨測
罪不容誅即詭飾以抒激
切而顯斥先朝罔顧尊親
之諱亦豈能掩其不敬處
厚於二者皆無可自解尹

夏綏節度使李祐進馬百五十匹却之

侍御史溫造

字簡與大雅五世孫

彈祐違敕進奉請論如法詔釋

之祐謂人曰吾夜半入蔡州城取吳元濟未嘗心動今日膽落于溫御史矣

冬十月賜韋處厚錦綵銀器

處厚諫上宴遊曰先帝以酒色致疾損壽臣時不死諫者以陛下年已十五故也今皇子纔一歲臣安敢畏死而不諫乎上感其言故有是賜

十一月葬光陵

在同州府蒲城縣北堯山

十二月以劉栖楚為諫議大夫

淮南節度使王播以錢十萬緡賂王守澄求領鹽鐵諫

起莘僅責其受賞不辭不從大體立論殊失輕重而敬宗乃感其言非昏戾而何

議大夫獨孤朗等數人請開延英論之上問前庭爭者不在中邪即日除栖楚諫議大夫而竟以播兼鹽鐵轉運使

罷泗州戒壇

徐泗觀察使王智興以上生日請于泗州置戒壇

泗州上聖

寺有僧伽塔人敬事之故智興于此置戒壇度僧尼以資福許之自元和以

來敕禁此弊智興欲聚貨首請置之于是四方輻輳智

興由此貲累鉅萬浙西觀察使李德裕上言若不鈐制

至降誕日方停計兩浙福建皆失六十萬丁奏至即日

罷之

敬宗皇帝

乙寶曆元年春正月赦。

上祀南郊還。御丹鳳樓。赦天下。先是鄂令崔發。武城人。聞

五坊人毆百姓命。擒以入。曳之于庭。詰之。乃中使也。上

怒。收發繫臺獄。是日與諸囚立金雞下。唐制。赦日。衛尉

詔。乃忽有品官。注見前。數十人執挺亂捶發。氣絕數刻始

蘇。詔復繫之。給事中李渤上言。縣令曳中人。中人毆御

犯在赦後。中人橫暴。若不早正。刑書臣恐四夷藩鎮聞

之。則慢易之心生矣。諫議大夫張仲方亦上言曰。鴻恩

將布于天下。而不行御前。需澤徧及于昆蟲。而李逢吉

獨遺崔發。上皆不聽。張仲方九齡從曾孫。從容言于上曰。崔發輒曳中人。誠大不敬。然其母年垂

八十。故相韋貫之之姊。自發下獄。積憂成疾。陛下方以孝理天

下。所宜矜念。上乃愍然曰。比諫官但言發冤。未嘗言其

逢吉用異言保全崔發。讀史者競以為善處事。而實非也。以毆百姓之中人而曳之於庭。強項令不惟無過。且應獎擢。示勸。乃蒙罪過。赦而中人復敢執挺隨之。是抗王章矣。逢吉特謂母老可念。而原之。豈發罪竟不可赦。而中官本無罪乎。故逢吉之言於理未明。即李渤之言亦於理未盡。

不敬亦不言有老母如卿所言朕何爲不赦之卽命中使釋其罪送歸家仍慰勞其母母對中使杖發四十牛僧孺罷。

牛僧孺以上荒淫嬖倖用事又畏罪不敢言但累表求

出乃升鄂岳爲武昌軍以僧孺爲節度使。

僧孺過襄陽節度使柳公

綽服囊鞬候于館舍將佐曰襄陽地望高于夏口此禮太過公綽曰奇章公甫離台席方鎮重宰相所以尊朝

廷也竟行之奇章公牛弘封號僧孺其裔孫故以稱之

二月浙西觀察使李德裕獻丹旼六箴。

上遊幸無常昵比羣小視朝月不再三大臣罕得進見

德裕獻丹旼六箴一曰宵衣以諷視朝稀晚二曰正服

以諷服御乖異三曰罷獻以諷徵求玩好四曰納誨以

諷侮棄讜言。五日辨邪。以諷信任羣小。六日防微。以諷

輕出遊幸。上優詔答之。

其納誨箴畧曰。漢驚流湫。舉白浮鍾。魏叡後汰。陵霄作宮。忠雖

不忤。善亦不終。以規為璵。是為塞聰。防微箴畧曰。亂臣猖獗。非可遽數。元服莫辨。觸瑟始化。柏谷微行。豺豕塞路。觀貌獻餐。斯可戒懼。二箴尤最明切。上雖褒答。而不能用。故後卒及于禍。
漢驚。成帝名。魏叡。明帝名。元服。柏谷。漢武帝微行至柏谷。逆旅主人欲攻之。其姬觀容貌非常。殺雞作食獻之。

夏四月。羣臣上尊號。赦天下。

赦文但云。左降官已量移者。宜與量移。不言未量移者。韋處厚上言。逢吉恐李紳量移。故有此處置。如此則是應近年流貶官。因李紳一人。皆不得量移也。上即追改之。紳由是得移江州刺史。

秋七月鹽鐵使王播進羨餘絹百萬匹。

播領鹽鐵誅求嚴急。正入不供。而羨餘相繼。

造競渡船。

荆楚歲時記。屈原以五月五日投于汨羅。人傷其死。並以舟楫拯之。至今競渡。是其遺俗。自唐

以後。刻舟為龍鱗而綵繪之。謂之龍舟。

詔王播造競渡船二十艘。計用轉運半年之費。張仲方等力諫。乃減其半。

八月昭義節度使劉悟卒。

悟卒。子從諫匿喪。謀以悟遺表求知留後。司馬賈直言責之曰。爾父提十二州地歸朝廷。其功非細。祇以張汝

之故。自謂不厚淋頭。

胡三省注。今人謂床為不潔。

竟至羞死。爾孺子

何敢如此。父死不哭。何以為人。從諫恐。乃發喪。

既而朝廷得悟

遺表議者皆言上黨內鎮與河朔異。不可許。李絳上疏以爲劉悟死已數月。從諫未嘗典兵。其衆必不盡與同謀。但速除近地一將。令兼程赴鎮。從諫未及布置。而新帥已至。軍心自有所繫。然後續除從諫一刺史。必無違拒。時李逢吉。王守澄計議已定。竟不用絳等謀。以從諫爲昭義留後。

冬十月殺袁王名紳順。長史武昭

昭有才力。裴度討淮西時。獎用之。度遣昭說吳元濟。元濟臨以兵辭不撓。厚

禮遣還。得署軍職。累奏爲刺史。及度斥外。昭以袁王長史居京

師。頗有怨言。時李程與李逢吉不協。程族人水部郎中

仍叔激怒昭云。程欲與君官。顧逢吉持不可。昭愈怒。因

酒酣對金吾兵曹茅彙言。欲刺逢吉。逢吉聞之。張權輿以其語

告逢吉。會度請入覲。逢吉欲因昭事以傾度。顯度前用昭之罪。乃

令人告之。由是昭彙皆下獄。逢吉黨李仲言諷彙誣昭

與程同謀不然且死彙不可曰誣人以自免不為也獄

成昭杖死仍叔仲言彙皆遠貶武昭之獄李逢吉欲借以傾裴度新舊書所載

皆然而通鑑于此事畧不及逢吉蓋以新舊書之言皆出李讓夷敬宗實錄讓夷德裕之黨故深詆逢吉通鑑

不以為然于是逢吉詭謀秘跡多不具載而考異于八

關十六子且為之辨其說不足據綱目不考正史原文

于武昭之死書曰伏誅亦未為核實今

于綱特改書目則兼採新舊書輯之

十一月幸驪山溫湯左僕射李絳諫議大夫張仲方等屢

上欲幸驪山溫湯諫不聽拾遺張權輿伏紫宸殿下叩頭諫曰昔周幽王

幸驪山而為犬戎所殺秦始皇幸驪山而國亡元宗宮

驪山而祿山亂先帝幸驪山而享年不長上曰驪山若

此之凶邪我宜一往以驗彼言幸溫湯還謂左右曰彼

同幽秦始各有滅亡之故
即明皇以失政播遷穆宗
以服餌短祚皆自取此
數君者雖不幸驪山其能
倖免乎維時敬宗方在諫
陰違事逆觀權輿若以此

糾繩則辭正而理當不此
之移而歸罪驪山亦殊昧
進言體要矣

叩頭者之言安足信哉

以李絳爲太子少師分司東都

僕射李絳好直諫李逢吉惡之故事僕射上日蒞任宰

相送之百官立班中丞列位于庭尚書以下每月當牙

元和中以舊儀太重削去之御史中丞王播特逢吉之

勢與絳相遇于塗不之避絳引故事上言僕射國初爲

正宰相禮數至重儻人才忝位自宜別授賢良若朝命

守官豈得有虧法制乞下百官詳定議者多從絳議上

聽行舊儀至是以絳有足疾出之東都

丙午二年春二月以裴度爲司空同平章事

言事者多稱裴度賢不宜棄之藩鎮上數遣使勞問度

因求入朝逢吉之黨大懼百計毀之先是民間謠云緋

衣小兒

裴字也

坦其腹

度字也

天上有口

吳字也

被驅逐

言吳元濟

被擒也

又長安城中有橫亘六岡如乾象度宅偶居第五

岡

舊子第五岡置元都觀與善寺以鎮其地度宅畧與元都觀相對

張權輿上言度名

應圖識宅占岡原不召而來其旨可見上雖少年悉察

其誣謗待度益厚度至京師復知政事

度初至朝士填門度留之飲京

兆尹劉栖楚附度耳語侍御史崔咸咸觴罰度曰丞相

不應許所由官咕囁耳語度笑而飲之栖楚不自安趨

出度在中書左右忽白失印聞者失色度飲酒自如填

復白已得之度亦不應或問其故度曰此必吏人盜之以印書券耳急之則投諸水火緩之則復還故處人服

其識量崔咸字重易博平人所由官唐人府縣官之

稱稍楚尹京兆故云三月罷修東都

上欲幸東都。諫者甚衆。上皆不聽。已使按修宮闕。裴度從容言曰。國家本設兩都。以備巡幸。然自多難以來。宮闕營壘。百司廨舍。率已荒弛。陛下儻欲行幸。宜命有司徐加完葺。然後可往。上曰。從來言事者皆云不當往。如卿所言。不往亦可。會幽鎮皆請以兵匠助修東都。乃敕罷之。

夏五月。幽州軍亂。殺節度使朱克融。而立其子。秋八月。都將李載義自稱常山王殺之。尋以載義爲盧龍節度使。

遣使迎周息元入禁中。

道士趙歸真說上以神仙。有潤州人周息元。自言數百歲。上遣中使迎至京師。館之禁中山亭。

九月李程罷。

出爲河東節度使。

冬十一月李逢吉罷。

逢吉屢沮裴度入相而不果。上知度忠。寢疏逢吉。至是遂罷爲山南東道節度使。

十二月宦官劉克明等弑帝于室內。立絳王悟。憲宗子。王守

澄等討克明殺悟。立江王涵。穆宗次子。

上遊戲無度。狎暱羣小。善擊毬。好手搏。禁軍及諸道爭

獻力士。又以錢萬緡召募力士。晝夜不離側。又好深夜

自捕狐狸。謂之夜打狐。性復褊急。力士或恃恩不遜。輒配流

籍沒。宦官小過動遭捶撻。皆怨且懼。夜獵還宮。與宦官

劉克明擊球軍將蘇佐明等二十八人飲酒上酒酣入
室更衣。殿上燭滅。克明等弑帝于室內。克明矯稱上旨。
命學士路隋字南式。陽平人。草遺制。以絳王悟權勾當軍國事。
又欲易置內侍之執權者。于是樞密使王守澄。楊承和。
中尉魏從簡。梁守謙。定議以牙兵迎江王涵入宮。發左
右神策飛龍兵。進討賊黨。盡斬之。絳王爲亂兵所害。時
事起倉卒。守澄等欲號令中外。而疑所以爲辭。問于學
士韋處厚。處厚曰。正名討罪。于義何嫌。又問江王踐阼
之禮。處厚曰。詰朝當以王敎布告中外。以已平內難。然
後羣臣三表勸進。以太皇太后令。冊命卽位耳。守澄等
從其言。以裴度攝冢宰。百官謁江王于紫宸外廡。王素

服涕泣。明日卽位。更名昺。

是爲文宗。

尊母蕭氏

閩人。

爲皇太后。

時郭太后居興慶宮。

寶歷王太后居義安殿。

蕭太后居

大內。上性孝謹。事之如一。每得珍異。先薦郊廟。次奉三宮。然後進御。

以韋處厚同平章事。

上卽位。詔令儀矩。一出處厚。遂以爲相。

出宮人。放鷹犬。省冗食。罷別貯宣索。

上自爲諸王。深知兩朝之弊。及卽位。勵精求治。去奢從儉。詔宮女非有職事者。出三千餘人。放五坊鷹犬。省教坊。總監冗食千二百餘員。近歲別貯錢穀。悉歸之有司。

宣索組繡雕鏤之物。悉罷之。敬宗之世。每月視朝。不過
一二。上始復舊制。每奇日視朝。對宰相羣臣。延訪政事。
久之方罷。待制官。舊雖設之。未嘗召對。至是屢蒙延問。
中外翕然相賀。以爲太平可冀。

中書省以武太平西苑
八之六書分歸有書雖
一二士欲以書歸其書
其書所歸雖歸之武太平
西苑



